

याक्खा कथा संग्रह

पुस्तिका

ੴ ਪ੍ਰਾਤਿ ਤੁਪਖੀ ਜਗ੍ਹੀ

दोस्रो संसोधनः २०७०

कम्प्यूटरः यामराज बेघा

मुद्रकः

प्रतिः

प्रकथान

बर्तमान अत्याधुनिक विश्व परिवेशको प्रभावमा परी आफ्नो राष्ट्रियता, जातियता तथा मौलिकता झल्काउने प्राचिन भाषा, संस्कृति, संस्कार तथा परम्पराहरूलाई ओझेलमा पाई अगाडी बढिरहेको यो विश्व परिवेशमा धेरै जाति, धर्म तथा सम्प्रदायहरूले संरक्षण, विकास, बृद्धी र उत्थानको अभावमा आफ्नो जातिगत, भाषिक र साँस्कृतिक पहिचानलाई गुमाई सकेको कुरा हामी सबैलाई अवगतै छ । यसै कुरालाई हृदयमा गरी लोपुन्मुख याक्खा भाषाको संरक्षण, विकास, बृद्धी र उत्थानमा सानो टेवा पुरायाउने उद्देश्यले, यहाँहरूको अमूल्य सुझाव, सल्लाह र प्रतिकृयाको अपेक्षा गटै त्रिभुवन विश्व-विद्यालय भाषा विज्ञान प्रतिष्ठानले प्रदान गरेको वर्णविन्यास सिकायतको आधारमा यो पुस्तिका तयार गरेकाछौ ।

१. उथुकका ताप्लिक

घाक हाकिनड़ ओन्दाड़ निड़्वाफुमाड़ा
ताड़्खेड़ नुड़ ताम्दाड़्फुमा चोगुचि॥ ताम्दाड़्फुमा
आकार मेत्निड़ना सुन्ने नुड़ कुइम्ना साया॥ न्ना
माड़्च्वाड़ा एप्तुकसा, न्हाड़ निड़्वाफुमागा आत्मा
न्ना माड़्च्वा छोड़बे कोताघोन्दा॥ निड़्वाफुमाड़ा
खारला काया, "ओम लेड़नि"॥ न्हाड़ ड्खारलामाड़
लेकसा॥ न्हाड़ निड़्वाफुमाड़ा ओम्नाभाड़ कुइम्ना
फोकसु, न्हाड़ ओम्ना लेरनिड़ नुड़ कुयुम्ना सेरनिड़
भोड़ उनिड़ पिचि॥

निड़्वाफुमाड़ा फेरि खारला काया,
"ताड़्खेड़गा मोहा माड़्च्वा एक ठोड़बे थोम्नि,
न्हाड़ फुककोना खाम ओरनि॥" न्हाड़ ड्खारला
माड़ लेकसा॥ उडा फुककोना ताम्दाड़्फुमा, न्हाड़ा
माड़्च्वा थोमाना सामुन्दारा भोड़ उनिड़ पिचि॥
ड्खा निसुहोड़ निड़्वाफुमा चोन्दास्या॥ न्हाड़ उडा

खारला काया, "ताम्दाड़फुमाडा घाक खाले सिड़गा
उथाप, चाचिया नुड़ उसा केड़खुबा सिड़
पोकमेतुनि" न्हाड़ डंखारला माड़ लेकसा॥ डंखा
निसुहोड़ निड़वाफुमा चोन्दास्या॥

निड़वाफुमाडा फेरि खारला काया, "लेत्निड़
नुड़ सेत्नि फोड़मागा, लेन, फिम्बिलिड़ था तोकमागा
ताड़खेड़बे ज्योतिचि न्लेड़होड़ चाम्कान्जोकिन॥"
न्हाड़ डंखारला माड़ लेकसा॥ निड़वाफुमाडा
लेत्निगा लागि नाम, सेत्निगा लागि ला नुड़ चोकचोकि
चोगुचि न्हाड़ ताड़खेड़बे युकसुचि॥

निड़वाफुमाडा फेरि खारला काया, "माड़च्वा
घाक खाले जिवातचिडा डंडिप्तुनि, ताड़खेड़
न्वाकुच्याचिडा डंडिप्तुनि॥" न्हाड़ निड़वाफुमाडा
माड़च्वाबे वाखुबा जिवातचि नुड़ ताड़खेड़बे पेखुबा
न्वाकिचि चोगुचि॥ डंखा निसुहोड़ उड़ चोन्दास्या॥
उडा डंखाचि खारला लुसाड़ आसिक पिचि,

"न्निड़दा पुसाड् पुसाड् रुयानि॥ प्याक प्याक
लेड़साड् रुयानि, ताम्दाड़फुमा भोरि फाइलाचोगानि॥"

निड़वाफुमाडा काया, "ताम्दाड़फुमाडा घाक
खाले माम्माहा मिमिरहा पाड़बे हिड़माहा, पुड़दाबे
वाखुबा पोसुचि उत्पान्ना चोगुचिनि॥" न्हाड़
ड़खारला माड़ लेकसा॥ ड़खा घाक सोहोड़
निड़वाफुमा चोन्दास्या॥

न्हाड़ निड़वाफुमाडा काया, "हाकु यारमि कानिड़
लुरवाना चोकमा तायाना॥" उडा घाक सिरिस्टि
छोड़बे चोकतोक चोगुनि॥ ड़खारला निड़वाफुमाडा
यारमि उड़ लुरवाहा चोगुचि॥ उडा बाबु नुड़ मामु
माड़ चोगुचि, न्हाड़ खारला लुसाड़ आसिक पिचि,
"न्जिड़गा प्याक र्याचि न्लेड़नि, ताम्दाड़फुमा भोरि
ड़फिप्तुनि, न्हाड़ घाक सिरिस्टि छोड़बे चोकतोक
न्जोगुनि॥ का न्निड़दा चामागा लागि चाचिरया,
सिड़गा उसा पिन्नुड़नेनिन॥ पोसुचि रहेन घास

पिकसुड्चिड्हा॥" न्हाड्ड ड्खारलामाड्ड लेकसा॥ ड्खा
निसुहोड्ड निड्वाफुमा इब्बे इब्बे चोन्दास्या॥

ड्खारला निड्वाफुमाड्डा ताड्खेड्ड नुड्ड
ताम्दाड्फुमाबे वोर्याहा घाक थोक चोगु॥ उड्डा
याम्ना लेन सोम्माबे घाक चोगिहोड्ड लाम्ना लेन
आराम चोगा॥ न्हाड्डा न्ना लेन पाबित्तारा लेनभोड्ड
फोकसुहोड्ड उड्डा आसिक पि॥ ड्खारला घाक
थोकका सिरिस्ट लेकसा॥

२. यारमि पातानगा ताप्लिक

निड्वाफुमाड्डा आटानबे एको फुड्साहाम
एन्दुकसा॥ न्ना फुड्साहाम्बे प्याक खाले उसा
केड्खुबा सिड्गा उथाप वाया॥ निड्वाफुमाड्डा
ओन्दाड्ड चोगुचिहा यारमिचि चा न्नाबे युक्सुकसाचि॥
न्ना फुड्साहाम्बे प्याक खाले जिवातचि चा ड्वाया॥

न्नाबे?हा जिवातचि माध्येबे पुछाक घाक हाविनड् चोम्बु साया॥ इलेन न्ना पुछाकडा मामु यारमि खारला लु, "निड्वाफुमाडा न्जिड्‌दा नाबे सिड्‌गा उसा न्जायान्चुन लुयामाचिघा?" मामु यारमिडा लु, "कान्चिड् घाक खाले सिड्‌गा उसा चामा यामेड्‌चुड्, ड्‌खारनिड्‌गो ना फुड्‌साहाम्गा उलुम्बे?ना सिड्‌गा उतुम्बे चहेन न्जायान्चुन, न्दोकित?यान्चुन, इजाड्‌बाड्‌निड् हे?निड् न्जिड्‌दा ना सिड्‌गा उसा चामेचुगा, ड्‌खिड्‌बेलाकमाड् न्जिड्‌दा सिमेचिघा लुयामाहा॥" ड्‌खा चे?या खेप्सुहोड् पुछाकडा न्ना मामु यारमि लु, "मेन्ना न्जिड्‌दा न्सिमेन्चिगान्हा॥ निड्वाफुमाडा था वान्ने, न्जिड्‌दा ना सिड्‌गा उसा चायाचुगाभोड्, न्जिड्‌गा मिकिच ड्‌होमेहोड् उड् लो?वाहा लेड्‌मेचिगा न्हाडा उचुन्हा नुड् इसिरहा था तोकमाना निड्वा तोड्‌मेचुगाना॥ न्हाडामाड् उडा खारला लुयाचिघा

ओम॥”

न्हाडा मामु यारमिडा उनिड्वाबे खारला मिता,
उचुन्हा नुड् इसिरहा था तोकमाना निड्वा तोकमागा
लागि गो ना सिड्गा उसाले चामा पोर्नै राइछो॥
न्हाडा उडा खारला सिड्गा उसा सो॥ उलुड्मा
किप्तु, उचुन्माचेक चाड्चाड्लोर्वा निसु॥ न्हाड्डा
उडा न्ना सिड्गा उसा सेप्सुहोड् चो, न्हाड्
उहिड्खुबा चा चामेतु॥ जोबो ड्खा यारमिचिडा न्ना
सिड्गा उसा चायाचु, न्हाडा उड्चिगा मिकिच
ड्होसा, न्हाडा उड्चिडा था तोकताचु, कान्चिड्गो
नाड्गोहाचिडान ले राइछो॥ न्हाडा उड्चिडा वेपुगा
उलाभाकका तेक थुबाचुहोड् वायाचु॥

नासेकडा निड्वाफुमा न्ना फुड्साहाम्बे
कोरमास्यानिड् आदाम नुड् उहिड्खुमाडा
निड्वाफुमागा ओसेम्ला खेप्साचुहोड् उड्चि सिड्गा
उसाम्बे चुमाब्याचि॥ ड्खारनिड्गो निड्वाफुमाडा

आदाम खारला लुसाड् का, “आदाम, ओ आदाम, न्दा हे?ने वेकाना?” न्हाडा आदामडा खारला लु, “का फुड़साहाम्बे न्सेम्ला खेप्सुड्होड् किसिताड्, न्हाडा चुमाब्यामाड्ना॥” इजाड्बाड्निड् का नाड्गेड्नाना॥” न्हाडा निड्वाफुमाडा आदाम खारला लु, “न्दा इसाडा नाड्गेगाना भोड् लुयागाना? कि का न्जोन लु?नेन्ना सिड्गा उसा चोघा इ?” न्हाडा आदामडा फेरि खारला लु, “न्दा माड् कानुड् वानिभोड् पियाड्गाना मामुडा का पियाड्होड् चाड्ना॥”

न्हाडा निड्वाफुमाडा न्ना मामु यार्मि छिम्टु, “न्दा इजाड् खारला चोगाना?” न्हाडा न्ना मामु यार्मिडा निड्वाफुमा लु, “का पुछाकडा लेमाचायाड्होड् खारला लेक्साहा ओम॥” न्हाडा निड्वाफुमाडा न्ना पुछाक खारला लु, “न्दा खारला चोगागानाडा घाक जिवातचिबे न्दासे ना साराप

तोक्त्वागाना॥ हाकु न्दा म्फोळा बोलडा लाम्मेका,
न्हाडा न्दा हिङ्गानुङ्ग सोम्मा खाम च्वागा॥ डंगा
नुङ्ग ना मामुगा सान्तानगा उलुम्बे का दुस्मानि
एम्बिमे?नेन्चिन॥ न्दा उका उलाङ्गें ओग्वागा,
न्हाडा उडा डंगा न्दुखुरुक किच्येचोग्वा॥
निङ्गावाफुमाडा मामु यारमि लु, “हाकु का डंगा
सुत्केरि बेथा पुम्बिमेत्नेन, न्दा प्याक तुखि आङ्गसाङ्ग
ञ्जयाचि तोक्तुचिगानि, डंखिङ्गहोङ्ग चा डंगा
न्निङ्गावा च्हेन डंहिङ्गखुबा पोटि माङ्ग वानि, न्हाडा
उडामाङ्ग न्दा तायेन्बे युङ्गानि॥”

न्हाडा निङ्गावाफुमाडा आदाम खारला लु, “न्दा
डंहिङ्गखुमागा साला खेप्सुगाहोङ्ग का न्जोन लु?नेन्ना
सिङ्गा उसा चोगाहोङ्ग खाम्बे साराप आयामा॥ हाकु
न्दा हिङ्गानुङ्ग सोम्मा तुकिख चोक्साङ्ग हवाङ्गमा
पिरिक पिरिक कामचोगुगाहोङ्ग खामभाङ्ग केङ्गमेतुघा
चाचि?याडा हिङ्गावानि॥ न्हाडा ना खामडा डंगा

लागि तिड्गिभाक नुड् सिउडि पोकमेतुनि॥ नदा खाम
भाड् माड् सागाना नदा खाम्गान्माड् ओम न्हाडा
खाम बे?माड् लाड्-खेकानि॥”

आदामडा उहिड्-खुमागा उनिड् हाब्बा युक्सु,
झजाड् बाड्-निड् उड्-माड् घाक हिड्-गिलिकहाचिगा
मा साया॥ न्हाडा निड्-वाफुमाडा आदाम नुड् हाब्बा
हवारिक्का तेक बानाचोगुहोड् वाप्मेतुचि॥
निड्-वाफुमाडा खारला काया, “हाकु खा यारमिचि
चा कानिड् लोरवा उचुन्हानुड् इसिरहा था तोकमाना
निड्-वा तोकितयामाचु॥ खाचिडा ना हिड्-लुड् पिखुबा,
सिड्-गा उसा चा चामेचुहोड् साधाई हिड्-नुड्-मेच्याहा
लोप्पि॥” न्हाडा निड्-वाफुमाडा न्ना सिड्-गा उसा
चामा न्दोकचुन्निभोड् न्ना फुड्-साहामभाड्
लोन्धाकसुचि॥ न्हाड् न्ना हिड्-लुड् पिखुबा सिड्-गा
उयुम्बे इसाचा तामा ड्-यानन्निभोड् वालोकटुत्त्वि
नुड् ओरिपोरि इन्नुड्-खुबा ज्वालानुड्-हा साम्बेक

युक्तुबिचित्र॥

३. नोआनुड़ं जाल पारलाया

ताम्दाड़फुमाबे यारमिचि इमिन पुसाड़ं
ड़ख्या, पाप चा ड़खारलामाड़ं पुसाड़ं ख्या॥
निड़वाफुमाड़ा ताम्दाड़फुमाबे सो, उड़ा घाक
इसिरहासे निसु॥ न्हाड़ा उड़ा सिरिस्टि चोगुहा ड़खा
घाक थोकपे उनिड़वा तुगा॥ ड़खारनिड़गो न्नाबे
एको नोआ बाड़ना यारमि चा वाया, उड़ं चहेन
धारमोति साया॥

इलेन निड़वाफुमाड़ा उड़ं खारला लु, “हाकु का
ताम्दाड़फुमाबे सिरिस्टि चोगुड़हा घाकथोक नास्टा
चोघेकसुड़ं॥ ताम्दाड़फुमाबे का न्दा से एको धारमोति
यारमि तुम्नेन॥ हाकु का ना ताम्दाड़फुमा
जालपारलायाड़ा नास्टा चोकमा हाकिनड़ ओन्दाड़
न्दा सिड़गा एको माडा होड़गारवा चोगु न्हाड़
आलाकात्ताराड़ा लेडु॥ चोगिघोड़ ड़गा जाहान

पारिवारचि, न्हाड् घाक खाले पोसुचि नुड् न्वाकिचगा
एक-एक जोर होड्-गा?वाबे ताचि॥” न्हाडा
निड्-वाफुमाडा लुहा लो?वामाड् नोआडा माडा
होड्-गा?वा चोगु॥

नोआ होड्-गा?वा चोगिहोड् उड् नुड् उका
पारिवार, न्हाडा घाक पोसुपारानिचि होगा?वाबे
ड्-डुया॥ न्हाडा निड्-वाफुमाडा ताम्दाड्-फुमाबे माडा
वासिक तामेतु॥ न्ना वासिक नाखेड् लेन सोम्मा
ले?नि से?नि तायामासा॥ ड्-खिड्-बेला वासिक
तायाहोड् ताम्दाड्-फुमाबे माड्-च्वा थोम्साड् थोम्साड्
छ्या॥ न्हाडा नाबे?हा घाक कोड्-गुचि माड्-च्वाडा
लुप्सेहेतुचि॥ ड्-खा?निड्-गो उड्-चि ड्-वायाना
होड्-गा?वा चहेन माड्-च्वाडा तोतो-तोतो थेन्मा
तारोकतु॥ ड्-खिड्-बेला माड्-च्वा ताम्दाड्-फुमाबे खिड्
प्याक लेकसा, नाबे?हा घाक हिड्-गिलिकहा
जिवातचि, या?मिचि एको चा ड्-हिडा-निन्, घाक

माड़्च्वाडा नास्टा न्लेकसा॥

इखिड़ बेलाकडा माड़्च्वा ताम्दाड़फुमाबे ए
होम्बोक फाखेड़ लेन सोम्मा वायामासा॥ इलेन
निड़्वाफुमाडा नोआ नुड़ न्ना होड़गारवाबे
ड़्वायाहाचि मितुचि॥ न्हाडा उडा हिरवा फेम्मेतु,
न्हाड़ हिरवाडा ताम्दाड़फुमा बेरहा माड़्च्वा
हेन्दिसाड़ हेन्दिसाड़ छ्या॥ नोआ या होम्बोक ए
फिम्बिलिड़ तासुनिड़ ताम्दाड़फुमाबे थोमाहा घाक
माड़्च्वा हेराव्या॥

निड़्वाफुमाडा नोआ खारला लु, “न्दा, न्ज्या-
न्दाड़मेकिच, इहिड़खुमा घाक बाईरा लोन्दानि॥
न्हाडा न्दानुड़ इखिड़ जिवातचि ड़्वान्ने ड़्खाचि
चा घाक बाईरा लोन्दुचि॥ ड़्खाचि घाक
ताम्दाड़फुमाबे प्याक प्याक लेड़साड़ इखेरनि॥”
ड़्खारला निड़्वाफुमाडा ताम्दाड़फुमाबे ड़्वायाहा
घाक थोक नास चोगुनिड़ धारमोति यारमि नोआ नुड़

उका पारिवार, न्हाडा उड्नुड्ह होड्गा?वाबे ड्वायाहा
जिवातचि चहेन न्ना जालपारलाया भाड्ह हिड्मेतुचि॥

४. नोआनुड्ह निड्वाफुमाडा युकसुना बाचा

नोआ उका जहान पारिवार नुड्ह होड्गा?वाबे
ड्वायाहा घाक जिवातचि जालपारलायाभाड्ह
ड्हिड्गाड्याहोड्ह ड्खाचि निड्वाफुमाडा लुचिहा
लो?वा बाईरा न्लोन्दा॥ न्हाडा निड्वाफुमाडा फेरि
ड्खाचि खारला लुसाड्ह आसिक पिचि, “न्निड्दा
पुसाड्ह पुसाड्ह, प्याक प्याक लेड्साड्ह छ्यानि॥ न्हाडा
न्निड्गा प्याक च्याचि न्लेड्नि॥”

न्हाडा निड्वाफुमाडा फेरि नोआ नुड्ह
उच्याचि खारला लुचि, “न्निड्दा न्हाडा, न्निड्गा
सान्तानचि, न्हाडा होड्गा?वाभाड्ह लोन्दिघा घाक
जिवातचिनुड्ह का एको बाचा थुन्द्वाड्ह॥ हाकु घाक

जिवातचि, हेरनिड्चा खाला जालपारलायागा
 माड्च्वाडा का नास्टा न्जोगवाड्चिडान्हा॥ न्हाडा
 फेरि हेरनिड्चा ताम्दाड्फुमा जालपारलायाडा
 नास्टा न्लेड्मेन्ना॥ न्ना बाचा न्निड्दा, नुड्च
 न्निड्गा सान्तानचिगा पुस्ता पुस्ता सोम्मागा लागि
 लेड्मेन्ना॥ न्नागा चिड्गो चहेन ना लेड्मे, का
 खिम्फुरुम्माबे एको नाम्झिलिड्मे युकस्वाड्च, न्हाडा
 इबेलाक खिम्फुरुम्माबे नाम्फिलिड्मे ओम्मे ड्खिड्च
 बेलाकडा का न्निड्दा घाकनुड्च युकसाना बाचा
 मित्वाड्च॥ न्हाडा का फेरि हेरनिड्चा
 ताम्दाड्फुमाबे ड्वेन्हा जिवातचि नाष्टा
 न्जोगवान्चिडान्हा॥”

५. आब्राहाम

निड्वाफुमाडा नोआ नुड्च बाचा
 थुन्दिहोड्च, उडा आसिक पिचिहा लुवा माड्च

ताम्दाड़्फुमाबे यारमिचि पुसाड़्-पुसाड़् डर्ख्या॥
डर्खाचि माध्येबे एको आब्राहाम बाड़ना यारमि
निड़्वाफुमाडा उड़् भाड़्माड़् घाक जातिगा
यारमिचिडा आसिक न्दोक्तुनि भोड़् सेगुक्सा॥

इलेन निड़्वाफुमाडा उड़् खारला लु, “डर्गा
खाम्युक, कुटुम्बाचि घाक नाओचिघोड़्, का
सोरमेमेनेन्ना खाम्युकपे रुया॥ का न्दा भाड़् एको
माना जाति चोग्वाड़्॥ न्दा का आसिक पिम्मेरनेन,
न्हाडा न्दा माड़् आसिकका मुल लेड़्मेका, न्हाड़्
न्दा भाड़्माड़् ताम्दाड़्फुमा बेरहा घाक जातिगा
यारमिचिडा आसिक न्दोक्त्वाहा॥”

न्हाड़् निड़्वाफुमाडा लुहा लोरवा माड़् आब्राहामडा
ओयेछा लुत नुड़् उहिड़्खुमा सारा खेतुचिहोड़् न्ना
भाड़् निड़्वाफुमाडा सोरमेतुना ठोड़्बे रुया॥

डर्खारला आब्राहामडा निड़्वाफुमागा चेरया
येनुहाडा निड़्वाफुमाडा उड़् प्याक आसिक पि॥

उका प्याक नोकारचाकार पोसुपारनि न्लेकसा न्हाडा
 प्याक याड्सा चा लेकसाहोड् थुड्दुना यारमि लेकसा॥
 न्हाडा उका ओएछा चा ड्खारलामाड्
 निड्वाफुमाडा प्याक प्याक आसिक पि॥ ड्खारला
 उड्चि हिपापाड् थुड्दुहा यारमिचि लेकसाचि॥

न्हाडा ड्खाचिगा प्याक पोसुपारनि, याड्सा
 लेकसाहाडा उड्चि सोरि वामा ड्यासान्चिन्, न्हाडा
 उड्चि फोकसाचि॥ लुत चहेन साटोम पोटि रुया,
 न्हाडा आब्राहाम चहेन निड्वाफुमाडा हेब्रोन पोटि
 रुया लुहोड् न्ना पोटि रुया॥ न्हाडा उड्चि न्नाबे
 तासाचुहोड् पाल टागाचोगाचुहोड् वायाचि॥

इलेन निड्वाफुमाडा आब्राहाम खारला लु,
 “आब्राहाम नदा ड्गिसितान, नदा जोगाचोकखुबा
 काडान माड् ओम, ड्गा इनाम माडा लेड्मेरना॥”
 न्हाडा आब्राहामडा खारला लु, “नदा का इना
 इनाम पिम्मेड्गाना? आखिर आका खिड् सोम्मा एको

आच्या चा मान॥ हाकु आका हाकवाला गो आका
पाड़्बे वाखुबा नोकार माड़् लेड़्मे॥”

न्हाडा निड़्वाफुमाडा आब्राहामगा ओचे?या
खेप्सुहोड़् खारला लु, “न्ना यारमि डंगा हाकवाला
न्लेड़्मेन्ना॥” डंगा डंहिड़्खुमा साराडा माड़् एको
उच्या तोक्त्वा, न्ना माड़् डंगा हाकवाला
लेड़्मे?ना॥” न्हाडा निड़्वाफुमाडा आब्राहाम बाइरा
खेतुहोड़् ताड़्खेड़् पोटि चोकचोकिचि सोप्पेसाड़्
खारला लु, “डंखा चोकचोकिचि निरमा यास्वाचिघा?
डंगा सान्तानचि चा डंखारलामाड़् प्याक न्लेड़्मेहा॥”
निड़्वाफुमाडा लुहा खा चे?या आब्राहामडा चा
बिस्वास चोगु॥

न्हाडा न्नागा ए फिम्बिलिड़् हेकसाड़्
निड़्वाफुमाडा आब्राहाम लुना लो?वा माड़्
पाईम, माईम लेकसाब्याचिना बेलाकपे एको
उड़्चि च्या तोकताचु॥

६. सादोम गामोरा

सादोम नुङ् गामोरा साहारचिबे पाप प्याक
लेकसाहोड् डंखा साहारचि मि नुङ् गान्धाकडा नास्टा
चोकसे निड्वाफुमाडा उका हिप्पाड् वालोकदुत्तचि
पाकसुचि॥ डंखिड् बेलाक लोत बाड् ना एको यारमि
उका जाहानचि नुङ् सादोम साहारबे वाया॥

इलेन निड्वाफुमागा हिप्पाड् वालोकदुत्तचि लोत
वायान ठोड् बे तायाचिहोड् खारला लुयाचु, “लोत,
डंगा आफान्ताचि खेतुचिघोड् ना साहार भाड्
लोन्दाखेब्या॥ इजाड् बाड् निड् निड्वाफुमाडा खा
साहारचि नास्टा चोघेकसुचिहा॥” न्हाडा डंखा चेरया
खेप्सुहोड् लोत उका लेड् खुबावाला उताबाड् चिगाबे
छ्याहोड् खारला लुचि, “कानिड् नाभाड् खेइबि
इजाड् बाड् निड् निड्वाफुमाडा खा साहारचि दान्डा
पिहेकसुचिहा, नास्टा चोघेकसुचिहा॥” डंखारनिड् गो

ड़्खाचिडा उका चे?या ड़्खेप्सुनिन॥ माड् उलाड्
 न्जोकतुबि॥ न्हाडा उड्चि खार्ला मिता ना
 पाध्यामडा लेमाचाया ओम, न्हाडा उड्चि ना
 साहारबे?माड् ड़्वायामासा॥

न्हाडा भेनिक ओम लेकसेहेकसाना बेलाकबे
 निड्‌वाफुमागा वालोकटुतचिडा लोत खार्ला लुसाड्
 आतुरि ला न्जोगु, “न्दा पोगा, न्हाडा नाभाड् न्दा,
 ड़्हिड्‌खुमा, न्ज्या मामुचि खेतुचिघोड् हानि खेब्या॥
 मानुड् ना साहार आहेकसाना दान्डाबे न्निड्‌दा चा
 आइवाघा॥” ड़्खारनिड्‌गो उड्चि खेम्खेम
 न्जोगानिन आल्लेड् टाल्लेड् न्जोगामासा, आड्‌धिड्
 न्जोगामासा॥ न्हाडा निड्‌वाफुमागा वालोकटुतचिडा
 ड़्खाचि उड्चि मुकपे न्लाबुचिहोड् साहारभाड् बाइरा
 न्लोन्टुचि॥ न्हाडा एको वालोकटुतडा खार्ला लुचि,
 “न्निड्‌दा नाभाड् हेकसाड् मेहिड्‌ले सोरोसोरो माड्‌टु
 खेब्यानि॥”

न्हाड़ ड़खा वालोकदुतचिंगा साला खेप्सुहोड़ लोतडा खारला लुचि, “हाड़बाचि खारला न्लेड़निन्नि, का माड़दु लाम्मा ड़यामेडान, आका लागि युयुन्ना एको नाजिकना साहारबे खेप्मा पिया, न्नाबे छ्याड़भोड़ का हिड़मेड़ना लोप्पि॥” न्हाड़डा वालोकदुतडा लु, “लेड़मेना, ड़गा चेर्या का खेप्सुड़, ड़गा लागि हाकु का ना मिना साहार नास्टा न्जोगवाडाज्ञा, न्नाबे न्दा हानि खेब्या॥” न्हाडा लोत नुड़ उका जहान्च नाभाड़ ड़ख्या॥

उड़चि सोआर बाड़ना साहारबे न्दासुनिड़ नाम लोन्दाब्यामासा, ड़खिड़बेलाकडा निड़वाफुमाडा ताड़खेड़भाड़ मि नुड़ गान्धाक आएन्दु॥ न्हाड़ ड़खा साठोम नुड़ गामोरा साहारचिधाक मिडा नास्टा चोगुचि॥ न्नाबे ड़वायाहा घाक पापि यार्मिचि जिवातचि मिडा तुन्दिसिचि॥

ड़खारला निड़वाफुमाडा साठोम नुड़ गामोरा

साहार मिडा नास्टा चोगुचिनिङ्, दान्डा पिचिनिङ्
न्नाबे वायाना एको धारमोति यारमि लोत नुङ् उका
पारिवारचि चहेन निङ्-वाफुमाडा न्ना दान्डाबे आमा
म्बिन्चिन, न्हाडा उड्चि ड्हिङ्डा॥

७. मोसागा वाम

आब्राहामगा उयाङ्ग-मेन याकुबका एहि जाना
उच्याचि ड्खावाया, ड्खाचिबे योसेफ चहेन याकुबडा
तुकनुङ् उलुङ्ग-मा तुक्तु॥ ड्खा न्निसुहोङ् उफुचिङा
चहेन उड्ङ इसिरनुङ् सोरमा न्दारोक्तु॥ न्हाडा
योसेफ ड्खाचिडा मिसारा खाम्युकपेरहा बेपारिचि
नुङ् डिनुचो॥

जोबो ड्खा बेपारिचिडा योसेफ मिसारा खाम्युकपे
न्दामेतु, न्दामेतुहोङ् उड्चिङा एको कप्तानबे
डिनुचो॥ न्हाडा योसेफ काप्तान नुङ् वामा

तारोक्तु॥ जोबो उड़ काप्तान नुड़ वासाड़ छ्या, उड़ नुड़ काप्तानडा चोगाच्वाहा घाक काम उचुन लेड़साड़ छ्या॥ इजाड़बाड़निड़ निड़वाफुमा योसेफ नुड़ वाया॥ निड़वाफुमा योसेफ नुड़ वायाहोड़माड़ उड़ हेक्साड़ घाक मिसारा खाम्युक छोड़बे चोक्तोक चोक्खुबा यारमि लेक्सा॥

इमा घाक ठोड़बे माडा आनिकाल ताया॥ न्ना हाकिनड़ ओन्दाड़, योसेफडा अनिकाल ताये?ना बाड़ना चे?या निड़वाफुमाभाड़ थातोक्तुहोड़ उडा प्याक चाचिया छुप्सुक्सा॥ न्हाडा जोबो घाक कायुड़लेन भोरि माडा आनिकाल ताया, डंखिड़बेलाकडा चाचिया इन्से भोड़ घाक यारमिचि उड़बे न्दाया॥ डंखिड़बेलाकडा योसेफका पारिवारचि चा इजिरेलबे आनिकालबे डंडायामासा॥ न्हाडा उडा उका घाक पारिवारचि चा मिस्त्रा खाम्युकपे काहेतुचि॥

न्नागा माड़फा हेक्साड़ योसेफका पुस्ताचि

नस्याबेहोडः, न्ना खाम्युकपे एको हेकोना हाडः लेकसा॥
 न्ना हाडःडा चहेन इजिरेलिचि इसिरुडः सोरमा
 तारोकतुचि॥ न्हाडा घाक इजिरेलिचि न्नाबेरहा
 यारमिचिडा चा तुकनुडः तुखि पिष्मा न्दारोकतुचि,
 छाकहा काम एम्मा न्दारोकतुचि॥ इजाडःबाडःनिडः
 इजिरेलिचि प्याक प्याक पुसाडः डःखेप्मास्या, न्हाडा
 उडःचिडा खारला म्मिता, खाचि हाकु प्याक
 न्लेडःमेहोडः एडःगा सात्तुरचि नुडः न्दोडःमेहोडः
 कानिडः नुडः लाडाइ न्जोडःमेहा लोप्पि॥
 डःखारनिडःगो उडःचिडा इखिडः तुखि म्बिचि
 डःखिडः माडः पुसाडः-पुसाडः डःख्या॥

न्हाडा इलेन हाडःडा उका यारमिचि खारलाना
 आगो पिचि, “खा इजिरेलिचिडा इखिडः उडःचि च्या
 बाबुचि न्दोकत्वाचि डःखाचि घाक न्निडःटा निल
 होडःमाबे लेप्ताहाक्ताब्यानुम्चिम॥ डःखारनिडःगो
 उडःचि च्या मामुचि चहेन इच्चा

न्जोगाकताव्यानुम्चिम्नन, डःखाचि हिडःगिलिक
डःवानि॥”

डःखिडः बेलाकडा माडः एको इजिरेलि
मामुडा एको उच्या बाबू तोकतु॥ न्ना उच्या
उचुन्माच्याकना साया॥ डःखोडःमाडः उमाडा चा
तुकनुडः उलुडःमा तुकतुहोडः सुम मोनाम सोम्मा चहेन
चुमुकसा, डःखार्निगो न्नाहाडःतो चुप्पिमा
डःयासुन्होडः एको टोकारि बानाचोगुहोडः, न्नाबे एन्दु
न्हाडा निल होडःमागा किनारबे युकसोओ॥

डःखिडः बेलाकडा फारो हाडःगा उच्या मामु
नुहाबाचोकसे न्ना ठोडःबे ताया॥
नुहाबाचोकमास्यानिडः उडा न्ना टोकारि निसु॥ न्हाडा
न्ना इना ओम भोडः उका नोकारचि सोप्पमेतुचि॥
डःखिडःबेलाकडा उडा न्ना टोकारिबे एको उचुन्ना
पिछा हाप्मास्याना निसु॥ उडा न्ना पिछा निसुहोडः
उलुडःमा तुकतुगेतु, न्हाडा न्ना पिछा सोरमेमागा एको

मामु यारमि योकमेतुचिहोङ् न्ना मामु यारमि खारला
लु, “ना पिछा का उचुन सोताब्याङ्, ङ्-खागा जेला
का पिम्मेरनेन्हा॥” न्ना मामु यारमि न्ना पिछागा
उमा ओमभोङ् इसाङ्गचा चा था म्मायान॥ न्हाडा
न्ना मामुडा न्ना पिछा सोरमागा उपाङ्गबे खेतु॥

जोबो न्ना पिछा मिमाडा लेकसा, न्हाडा न्ना
फारो हाङ्गा उच्या मामुडा उपाङ्गबे खेतु॥ न्हाङ्
न्नागा उनिङ् उडा मोसा युकसुबि॥

८. मोसागा वाम २

जोबो मोसा माडा लेकसा, न्हाङ् उफु उनुन्छा
इजिरेल यारमिचिगाबे छ्या॥ ङ्-खिङ् बेला मिस्रा
खाम्युकपेरहा यारमिचिडा इजिरेलिचि तुकनुङ् तुखि
म्बिरमास्या॥ न्हाडा इजिरेलिचिडा चहेन कानिङ्
मिस्र यारमिचिगा मुक पाहाङ् फोकसा भोङ्

निड्वाफुमानुड् पारथाना न्जोकमास्या॥
 निड्वाफुमाडा चा ड्खाचिगा पारथाना खेप्सु, न्हाडा
 ड्खाचि फोड्मागा निड्वाफुमाडा मोसा सेगु॥

इलेन निड्वाफुमाडा मोसा काहोड् खारला
 लु, “का आब्राहाम, इसाहाक नुड् याकुबका
 निड्वाफुमाडान॥ मिस्त्रा खाम्युकपे डोर्याहा आका
 यार्मिचिगा तुखि का निसुकसुड्॥ उड्चि आत्याचारबे
 डङ्डायाहोड् न्जोगुहा पारथाना का खेप्सुकसुड्,
 न्हाडामाड् न्दा न्नाबे खेरकाहोड् ड्खा आका
 यार्मिचि मिस्त्रा खाम्युकपाहाड् लोन्दाप्तुचिघोड्
 उचुन्ना माना खाम्युकपे ताचिगानिभोड् न्नाबेरना
 हाड्गाबे पाड्न्हेड्नेज्जा॥”

न्हाडा निड्वाफुमाडा लुहा लोरवामाड् मोसाडा
 उफु हारुन तिक्तेहेतुहोड् मिस्त्रा खाम्युकपे र्याचि॥
 हाड्गाबे तासाचुहोड् उड्चिडा खारला लुयाचु,
 “इजिरेलि यार्मिचि ल्याहाकसुचि॥” ड्खारनिड्गो

न्ना हाड् ड़गाक्सान॥ न्नागा हेक्साड्, निड् वाफुमाडा
 मोसागा हिड् लुड् भाड् प्याक आचाम्मा आचाम्माहा
 काम चोगु॥ ड् खा मिस्र यारमिचि प्याक खालगा
 बिपात्तिबे आमेतुचि॥ ड् खिड् होड् चा उडा इजिरेलिचि
 लेन्हाड् मा ड़गाक्सान॥ न्हाडा निड् वाफुमाडा एको
 खारलाना बिपात्ति ड् खाचिबे पाकसु॥ न्ना बिपात्तिबे
 न्ना खाम्युक भोरिहा यारमिचि, पोसुचि घाष्ठा तुम्ना
 उच्या चहेन निड् वाफुमाडा सिसुबिचि॥

ड् खिड् बेलाक मिस्रा खाम्युकपेरहा घाक
 यारमिचिनुड्, हाड् गा पारिवारबे चा हाप्मारुड्
 लेक्सा, न्हाड् घाक यारमिचि चा ड् गिसिता॥
 न्हाडा ड् खिड् लेक्साब्याहोड् चहेन हाड् डा मोसा
 नुड् हारून काप्मेतुचिहोड् खारला लुचि, “न्निड् दा
 नाभाड् खेब्यानि, मानुड् कानिड् चा सिइवाडा हा
 लोप्पि॥ न्निड् दा नाभाड् खेइघोड् न्निड् गा
 निड् वाफुमागा आराधना चोगानुमा॥” न्ना लेनमाड्

निंड्‌वाफुमाडा इजिरेलिचि मिस्रा खाम्युकपे?हा
या?मिचिगा मुक भाड् फोकसाप्तुचि॥ न्हाडा ड्‌खाचि
उचुन्ना कानान खाम्युकपे तामेप्मागा लागि ले?निंड्
खिम्फुरुम्मागा खाम्बा, न्हाडा सेत्निंड् मिगा खाम्बा
लेड्‌साड् तिकतुचि॥

इजिरेलिचि न्ना भाड् ड्‌खेब्याहोड् हाड्‌गा
उनिंड्‌वाबे खारला मिता, इजिरेलिचि ओन्टाड्‌हा
लु?वामाड् नोकार चोकमाचि तायाना॥ न्हाड् उडा
उका प्याक काड्‌बाचि पाकसुचि॥ ड्‌खाचिडा
इजिरेलिचि लाल सामुन्दारागा उयुम्बे न्दुप्सुचि॥
ड्‌खिड्‌बेलाक ड्‌खा इजिरेलिचि तुकनुड् ड्‌गिसिता॥
न्गिसिताना बेलाक मोसाडा इजिरेलिचि खारला लुचि,
“न्निंड्‌दा ड्‌गिसितानिन॥ ड्‌खारनिंड्‌गो
निंड्‌वाफुमाडा न्निंड्‌दा इमिन खाचिगा मुकपाहाड्
फोकिसहेकिसघा ड्‌खा बारेबे सोयानुम॥ लोप न्निंड्‌दा
निमासि?वाघा खा मिसिरि या?मिचि हाकु न्निंड्‌दा

हे?निड् चा न्निमा न्दोक्त्वाम्चिगान्हा॥ खाचिनुड्
न्निड्-गा लागि निड्-वाफुमा माड् लाडाइ
चोड्-मे?ना॥"

न्हाडा निड्-वाफुमाडा मोसा खारला लु, "मुक
सामुन्दारा पोटि सोसु॥" न्हाडा उडा उमुक सोसु॥"
ड्-खिड्-बेलाक निड्-वाफुमाडा माडा हिरवा
फेम्मेतु, न्हाडा सामुन्दारा हिच भाग लेकसाहोड्
उलुम्बे फुककोना खाम ओता॥ न्हाडा उड्-चि न्ना
फुककोना खाम लेड्-साड् न्लामाखया॥ ड्-खा
न्निसुहोड् मिस्त्रा खाम्युकपे?हा काड्-बाचिडा चा,
उड्-चि हेकसाड् हेकसाड् ड्-डिंकतुचि॥ जोबो ड्-खाचि
सामुन्दारागा उलुम्बे न्दासु, ड्-खिड् बेलाक
निड्-वाफुमाडा मोसा खारला लु, "मुक फेरि
सामुन्दारा छोड्-बे सोसु, न्हाडा ड्-खा मिस्त्रा
खाम्युकपे?हा किथिस्तिपाचि छोड्-बे सामुन्दारागा
माड्-च्वा लात्नाम्नि॥" न्हाडा निड्-वाफुमाडा लुहा

लो?वा माड् मोसाड्ना चोगु॥ ड्-खिड्-बेलाक
 सामुन्दाराबे?हा माड्-च्वा ओन्दाड्-ना ठोड्-बे लासा
 आबा, न्हाडा ड्-खा मिसिरि काड्-बाचि माड्-च्वाडा
 लुप्सेहेतुचि, उड्-चि एको चा ड्-हिड्नानिन॥
 ड्-खा?निड्-गो इजिरेलिचि चहेन फुक्कोना खाम
 लेड्-साड् सामुन्दारा ड्-गाक्तु॥ इजिरेलिचिडा खा
 घाक चे?या न्निसुहोड् निड्-वाफुमानुड् ड्-गीसिता
 न्हाड् उड्-माड् निड्-वाफुमा ओमभोड् बिस्वास
 न्जोगु॥

९. आगामबानिगा ताप्लिक

निड्-वाफुमाडा दाउद हाड् बाचा पिनागा
 मि?याड् हेक्साड्, इजिरेलिचिबे चा एको सालेन
 हाक्सु॥ न्ना सालेन ताखुबा यार्मिगा उनिड् यासाइया
 साया॥ उडा एको माध्यास्थाकार्तागा उतुम्बे खा?लाना
 सालेन पिचि, “सोयानुम एको थाड् मेन्छेड्-लेना कान्ये
 मामुडा ओफोक ख्वा, न्हाडा उडा एको उच्या

बाबु तोक्त्वा॥ उका उनिङ् इम्मानुयाल युड्मे॥ न्नागा
 तुम्बिला ओम निङ्वाफुमा कानिङ्नुड्॥ उडा एड्-गा
 पापका दान्डा आड्-द्वा॥ न्हाड् कानिङ्बे हाड्-हाड्
 ताप्माना दान्डा उड्-छोड्-बे आम्मे॥ उडा तुखाबाड्-चि
 नुमेत्वाचि॥ न्हाडा उड् आचाम्मागा साल्लाहाकार नुड्
 हाड्-हाड् पिखुबाभोड् लुम्मे॥ उडा यार्मि नुड्
 निङ्वाफुमागा उलुम्बे माध्यास्थातागा काम चोग्वा॥
 प्याक यार्मिचिगा पापका दान्डा उडा
 आड्-द्वाहोड्, ड्-खाचि धारमोति बानाचोग्वाचि॥
 उडा इखिङ् तुखि तोक्त्वाहोड् चा उका हिङ्-लुड्-बे
 निङ्वाफुमागा उनिङ्वालोर्वा नुड् उका योजाना
 पुरा लेकसाहा निस्वाहोड् उड् इब्बे इब्बे चोन्सिम्मे॥
 उका राज्या, उका हाड्-युक्थाम हेर्निङ् चा म्मेम्मेन ,
 न्हाडा उडा दाउदका हाड्-युक्थामबे
 हाड्-हाड्, धारमिकता नुड् निरिक कायाम चोक्साड्
 साधाइ भोरि उडा राज्या चोग्वा॥”

१०. हाड् दाउद

ताम्दाड्‌फुमाबे यारमिचि पुसाड् ड्रूयाहोड्
प्याक राज्या, हाड्‌चि चा न्लेकसा॥ ड्रूखिड् बेलाकडा
झजिरेल खाम्युकपे चा एको हाड् वाया॥ न्ना हाड्
निड्‌वाफुमाडा उका चेरया ड्रूडेनुन्होड् इन्कार
चोगुकसा॥ न्हाडा न्नाबे एको निड्‌वाफुमाभाड्
चेकखुबा चा वाया, न्ना निड्‌वाफुमाभाड् चेकखुबा
निड्‌वाफुमाडा हाड् इन्कार चोगुनाडा उनिड्‌वा
न्दुगामासा॥

इलेन निड्‌वाफुमाडा न्ना निड्‌वाफुमाभाड्
चेकखुबा खारला लु, “इजाड् खारला न्निड्‌वा
तुकमेत्वागाना? का ना झजिरेल खाम्युकका हाड्
लेड्‌मागा एको यारमि सेगिकसुड्‌ना॥ हाकु न्दा
बेथलेहेम साहारवेना यिसाइगा पारिवारबे र्या,
न्हाड् हेरना यारमि का हाड् आभिसेक चोगु

लुमे?नेन, न्ना यार्मि न्दा हाड़ अभिसेक चोगु॥” खा
 चे?या खेप्सुहोड़ निड़्वाफुमाभाड़ चेकखुबाड़ा
 निड़्वाफुमा खारला लु, “का इमिन खेकड़ाहोड़ हाड़
 आभिषेक चोगुड़? हाड़ अभिसेक चोकमागो मेन्ना खा
 चे?या खिड़्बेलाकना हाड़डा खेप्सु से भोड़ चा का
 सित्निमेड़ना॥” निड़्वाफुमाड़ा फेरि खारला लु, “न्दा
 छ्याघोड़ का नाबे निड़्वाफुमागा आराधाना चोकसे
 तायामाड़ना भोड़ लुचि, न्हाड़ा का लुत्नेन्हा
 यार्मिचि चा काचि॥ न्हाड़ा ड़्खा काम
 चोगु॥” न्हाड़ा न्ना निड़्वाफुमाभाड़ चेकखुबाड़ा
 आभिसेक चोकमाहा किवा खेतुहोड़ बेथलेहेम तेनबे
 छ्या॥

आगामबाकताड़ा बेथलेहेम तेन्बे छ्याहोड़
 निड़्वाफुमाड़ा लुहा लोर्वामाड़ यार्मिचि काचि॥
 न्हाड़ा घाक यार्मिचि चा न्नाबे न्छुप्सा॥
 ड़्खिड़्बेला निड़्वाफुमाभाड़ चेकखुबाड़ा यिसाइगा

उच्याचि एको एको चोकसाड् उयुम्बे काचि॥ घाक हाविनड् ओन्दाड् तुम्ना का, न्हाडा उडा खारला सो चातु नुड्, उचुन्माच्याक निसु॥ न्हाडा खारला मिता, निड्वाफुमाडा सेगुना हाड् नामाड् लोप्पि, ना आभिसेक चोकमा तायाना॥ ड्खारनिड्गो ड्खिड्बेलाक निड्वाफुमाडा खारला लु, “का सेगुड्ना यारमि न्ना मेन्ना॥ इजाड्बाड्निड्यारमिडा उड्चि जिउडाल, नाचिक न्स्वा, ड्खारनिड्गो का उड्चिगा निड्वा स्वाड्ना॥” न्हाडा छालुम्बा का, न्ना चा मेन्ना लु, ड्खारला माड् उडा घाक पालो पालो काचि, ड्खाचिबे हेरना चा ओम भोड् निड्वाफुमाडा न्लुना॥

न्हाडा न्ना निड्वाफुमाभाड् चेकखुबा यिसाइगाबे ख्याहोड् खारला लुसाड् छिम्टु, “ड्गा न्ज्याचि खिड्सेहाचि ?” यिसाइडा खारला लु, “आका एको पाकना आच्या वान्ने, उडा सामुड्चि

कोप्मासिम्मे?ना॥” न्हाडा निड्वाफुमाभाड् चेकखुबाडा फेरि लु, “न्ना न्ज्या का?मेतुचि, न्ज्या मेन्दाले सोम्मा कानिड् न्हे इहा चा न्जोड्-मेन्हा॥”

न्हाडा यिसाइडा उच्या कासे यारमिचि पाकसुचिहोड् न्नाबे ड्गारा॥ उका उनिड् दाउद साया॥ ड्खिड् बेलाकडा निड्वाफुमाडा न्ना निड्वाफुमाभाड् चेकखुबा खारला लु, “ना ओम हाड् लेड्-मागा लागि का सेगुड्-ना यारमि, न्दा ना आभिसेक चोगु॥” न्हाडा निड्वाफुमाभाड् चेकखुबाडा आभिसेक चोकमाहा किवा उटुखुरुकपे तुक्तेन्दुबिहोड् हाड् आभिसेक चोगु॥ न्ना आभिसेक चोकमानागा तुम्बिला चहेन वान्दिकका लागि निड्वाफुमाडा हाड् सेगुना ओम बाड्-ना चेरयागा एको चिड्-गो साया॥

न्नागा माड्-फा हेक्साड् दाउद हाड् लेक्सा॥ उड् हाड् लेक्साब्याहोड् निड्वाफुमाडा इलेन एको

खारलाना बाचा पि, “का डंगा हाकवाला लेड्मागा
डंगा सान्तान भाड्मा डंगा एको यारमि
पोगवाड्नहाडा उडा साधाइ राज्या चोगवा॥ न्हाडा
उका राज्या हेरनिड्चा म्मेम्मेन्ना॥ न्हाडा डंगा
घराना डंगा राज्या आका आयुम्बे साधाइ स्थिर
वान्नुड्मेन्ना॥”

११. साद्राक , मेसाक नुड्आ आबेद्ना गो

दाउद हाड्डा तायेन चोगुहागा प्याक
फिम्बिलिड्हे कसाड्नाबुकदानेसार बाड्ना यारमि
बेबिलोन खाम्युक घाकपे हाड्लेकसा॥ उडा एको
माडा साम्याडंगा मुरति चोगु॥ न्ना साम्याडंगा मुरति
सुखेड्मिटार चान्चान सुखेड्मिटार चाउडाइ साया॥
न्ना मुरति चोगिहोड्हे आरपान चोकमागा लागि उडा
न्नाबेहा घाक खाड्खाड्बाचि काकसाचि॥ आरपान
चोकमागा घाक यारमि न्छुप्साब्याहोड्हे न्नाबेन्ना
एको यारमिडा खारला लुचि, “नाबे छुप्समिघा घाक

यारमिचि, खाले खाले चेया चेकखुबा, घाक जातिगा
 यारमिचि खेप्सानुड्, नाबे घाकखालगा बाजाचि
 म्मोड्‌मे, न्निड्‌दा बाजाचि म्मोकताहा खेप्स्वाम्गाना
 सालोक ना साम्याड्‌गा मुरति फोप्तानिघोड्
 सेमेतानुम॥ इसाडा ना मुरति न्सेमेत्वान, न्ना यारमि
 मिगा भाट्टिबे लेप्नेम्मेरना” न्हाडा ड्‌खारला माड्
 घाक खालगा बाजा म्मोकतुचि, म्मोकतुचिहा ड्‌खेप्सुना
 सालोक न्नाबे न्छुप्साहा घाक यारमिचिडा न्ना
 साम्याड्‌गा मुरति न्सेमेतु॥ ड्‌खारनिड्‌गो
 निड्‌वाफुमागा सेवाकचि सुम्भाड् सादराक, मेसाक
 नुड् ओबेदनागो बाड्‌हाचिडा चहेन न्सेमेतुनिन॥

ड्‌खिड्‌बेलाक जोतिसिचिडा उड्‌चिगा
 विरुट्दाबे हाड् खारला लुसाड् छुल म्बि, “हाड्‌बा
 न्दा खारला कायामागा इसा यारमिडा ना साम्याड्‌गा
 मुरति न्सेमेत्वान, न्ना यारमि मिगा भाट्टिबे
 लेप्नेम्मेरना॥ ड्‌खारनिड्‌गो नाबे सुम्भाड् यारमिचि

ड़्वान्ने सादराक, मेसाक नुड़ आबेद्नागो ड़्खाचिडा
न्दा बानाचोगुगाना साम्याड़गा मुरति न्सेमेतुनिन्॥”
न्हाडा ड़्खा खेप्सुहोड़ हाड़गा उछिक एकता,
उछिक एकताहोड़ उडा खारला लुचि, “ड़्खा
यारमिचि न्हे तायानुम्चिम॥”

न्हाडा ड़्खाचिडा सादराक, मेसाक नुड़
आबेद्नागो न्नाबे न्दाचि, न्दाचिहोड़
नाबुकदानेसनरडा छिम्दुचि, “खाचिडा ड़्गाह्या
चेरया जेप्पा ओम? न्निड़दा का चोगुड़ना साम्याड़गा
मुरति न्सेमेत्वाम्गान्ना? हाकु इमा घाक बाजाचि
म्मोड़मे ड़्खिड़बेलाक चा न्निड़दा न्सेमेतुम्गान भोड़
न्निड़दा मिगा भाट्टिबे आइवाधा, इसाडा आका
आमुकपाहाड़ हिड़मेरमा यासिवाधा?” ड़्खा
ड़्खेप्सुहोड़ सादराक, मेसाक नुड़ आबेद्नागो
निड़वाफुमागा सेवाकचिडा चहेन खारला
न्लु, “कानिड़ आफाइ हिड़मागा लागि इहा चा

न्जोगि?वाडान्हा, डःखा?निडःगो कानिडः हे?ना
 निडःवाफुमागा सेवा चोकमासिइवाडः न्ना
 निडःवाफुमाडा माडः कानिडः डःगा मुकपाहाडः
 हिडःमेप्मायामेहा॥ डःहिडःमेतान भोडः चा कानिडः
 डःगा मुरति न्सेमेत्वाम्डान्ना॥” डःखा खेप्सुहोडः
 हाडःगा तुकनुडः उछिक एकता, न्हाडा उडा भाट्टि
 ओन्दाडःना हाविनडः ला गुना कुनुडः कुमेतुचि॥
 न्हाडा उका चात्तुहा काडःबाचि खा?ला लुचि, “खा
 या?मिचि थुन्दानुम्चिम्घोडः मिगा भाट्टि बे
 लेप्तेन्दानुम्चिम॥” न्हाडा उडःचि मिगा भाट्टि बे
 न्लेप्तेन्दुचि॥ डःखिडः बेलाकडा मिगा भाट्टि बे
 लेम्नाहाडःसे खेखुबा या?मिचि मिडा तुन्धेतुचि,
 इजाडःबाडःनिडः मि माडा तुप्तामासा, न्हाडा भाट्टि
 तुकनुडः कुसामासा॥

डःखिडः बेलाकडा हाडःडा भाट्टि बे मो
 सोएन्दुचि, उडा ना जाना या?मिचि मिगा भाट्टि बे

निसुचि॥ न्हाडा उड् छाककापोराचोकसाड् खारला काया, “आरे कानिड् सुम्भाड् यारमि न्लेप्तेन्दाहा मेन्नाइ? न्नाबेको ना जानाहाचिमिड्॥ ड्खाचि खिड्ना मिडा चा इच्चा ड्हाकसुन्चन, आइसा ओस्पोरिले न्लाम्घोमेहाचि॥ न्हाडा न्नाबे एको गो झान निड्-वाफुमागा उच्या लोरवाना॥” न्हाड् उड् मिगा भाट्टिगा उयुम्बे र्घ्याहोड् सादराक, मेसाक नुड् आबेद्-नागो खारला लुसाड् काचि, “निड्-वाफुमागा सेवाक सादराक, मेसाक, आबेद्-नागो न्निड्-दा लोन्दाकयानि॥”

न्हाड् ड्खाचि मिगा भाट्टि भाड् न्लोन्दाकया न्हाडा हाड्-डा खारला काया, “साद्-दाराक, मेसाक, आबेद्-नागोगा निड्-वाफुमागा निड् थेन्नि॥ उडा उका सेवा चोकखुबा, उड्-बे विश्वास चोकखुबा यारमिचि हिड्-मेप्मागा लागि उका वालोकटूत पाकसुहोड् खाचि हिड्-मेतुकसुचिहा॥ खारलाना सादराक, मेसाक नुड्

आबेद्नागोगा लो?वाना निड्वाफुमा इसा चा मान्ना॥
घाकडा खेप्सानुम हाकु नाहाड़तो इसा
सादराक, मेसाक, आबेद्नागोगा निड्वाफुमागा
विरुद्दाबे चेड़मे न्ना यारमिडा दान्डा तोक्त्वाहा॥”

इखारला नाबुकदानेसार हाड़डा खाम्युक
भोरिहा यारमिचि हाकु नाहाड़तो इसा चा
निड्वाफुमागा विरुद्दाबे न्जेकतानिन भोड़ आगगे
पिचि॥

१२. दानिएल किबागा खोरबे

नाबुकनेसार हाड़गा हेकसाड़ बेबिलोनबे दारा
बाड़ना यारमि हाड़ लेकसा॥ उडा बेबिलोनबे तायेन
चोकमागा ए होम्बोक हिचखेड़ जाना खाड़खाड़बाचि
सेगुचि॥ इखाचिभाड़ चा उडा सुम्भाड़ माम्माहा
खाड़खाड़बाचि सेगुचि॥ इखाचि माथ्येबे एको
दानिएल चा साया॥ दानिएल इखा घाक हाकिनड़

चेन्दुना सायाहोड् हाड् दाराडा उड् बेबिलोन
 खाम्युक भोरिगा तायेनराड्‌बा चोघेकसुसा॥ ड्‌खिड्
 बेलाक न्नाबे?हा हेकोहा खाड्‌खाड्‌बाचिडा चहेन
 उड्‌चि नाहेन्दा न्हाडा उड् आप्टिक एम्मागा लागि
 उका गालित योकमा न्दारोकतु॥ इलेन उड्‌चि खा?ला
 साल्लाहा न्जोगा, “कानिड् हाकु नागा कामगा उतुम्बे
 इहा चा इसिरहा गालित तोकमा ड्‌यासान, हाकु नागा
 धारमागा उतुम्बे आप्टिक एन्दुम॥” न्हाडा उड्‌चि
 हाड्‌गाबे ड्‌छ्या॥

हाड्‌गाबे ड्‌छ्याहोड् उड्‌चिडा खा?ला
 न्लु, “हाड्‌बा, हाकु एको खा?लाना नियाम
 चोगुम, हाकु सुखेड् लेन सोम्मा इसाडा चा न्दा
 बाहेक हेकोहा देवाता, यारमि पारथाना चोकमा
 न्दोकतुनिन्जि॥ इसाडा चोगवाचि न्ना यारमि किबागा
 खोरबे लेम्नाहाड्‌नि॥”

न्हाडा हाड्‌डा उड्‌चिगा चे?या ठिक

एतुहोड़् ड़्खारला नियाम चोगु॥ न्ना नियाम घाकपे
 हिसा, हाड़्डा खारलाना नियाम चोगुना बाड़्ना
 चेरया दानिएलडा चा खेप्सु॥ न्हाडा उड़् पाड़्बे
 र्खाहोड़् साधाई लोरवा माड़् तो तालाबे थाडाहोड़्
 नुनिड़्वा पिसाड़् निड़्वाफुमाबे पारथाना चोगा॥
 पारथाना चोकमास्यानिडा ड़्खा आप्टिक एम्मा
 योकखुबा यारमिचिडा न्दुप्सिसि॥ न्हाडा उड़्चि
 हाड़्गाबे ड़्र्ख्याहोड़् हाड़् खारला न्लु, “हाड़्बा, न्दा
 खारलाना नियाम युकसुकसुगा, इसाडा न्दा बाहेक
 हेकोहा यारमि देउदेउताचिबे पारथाना चोड़्मे न्ना
 यारमि किबागा खोरबे लेप्नेम्मे॥ ड़्खारनिड़्गो नाबे
 एको दानिएल बाड़्ना यारमि वान्ने न्नाडा ड़्गा
 नियाम ड़्येन्वान्हा॥” खा चेरया खेप्सुहोड़् हाड़्गा
 तुकनुड़् उनिड़्वा न्दुगा॥ ड़्खारनिड़्गो नियाम
 चोगिरयानाडा हाड़्डा दानिएल किबागा खोरबे
 लेप्नेम्माना आगे पिचि॥

हाड़डा दानिएल खारला लु, “दानिएल न्दा हेरना निड़्वाफुमागा सेवा चोकमासिम्मेका न्नाडामाड़ न्दा हिड़्मेकानि॥”

न्हाडा वान्दिकडा भेनिक कुचिककुचिक ओम लेकसाहोड़ हाड़ किबागा खोरगा उयुम्बे छ्या॥ न्हाडा दानिएल खारला लुसाड़ का, “दानिएल न्दा सेवा चोगुगाना निड़्वाफुमाडा हिड़्मेतागाना?” दानिएलडा खारला काया, “हाड़बा, निड़्वाफुमाडा उका वालोकटुत पाकसुचिहोड़ का हिड़्मेतामाड़ना॥” न्हाडा डंखा खेप्सुहोड़ हाड़ इब्बे इब्बे चोन्दास्या॥ न्हाडा दानिएल किबागा खोरभाड़ लोम्मेतुचि॥ न्हाडा हाड़डा खारला लुचि, “दानिएलगा निड़्वाफुमागा घाकडा आटार चोगानुम॥ इजाड़बाड़निड़् उडा माड़ कानिड़् हिड़्मेखुबाओम, उडा माड़ कानिड़ फोड़्मे॥ दानिएल चा उडा माड़ किबा भाड़ हिड़्मेतुकसुना॥”

੧੩. ਧੇਸੁਗਾ ਵਾਮ

ਦਾਨਿਏਲ ਹਾਕਿਨਡ਼ ਪਧਾਕ ਫਿਮਿਲਿਡ਼ ਹੇਕਸਾਡ਼
ਏਕੋ ਧਾਰਮਿ ਵਾਯਾ॥ ਤਕਾ ਤਨਿਡ਼ ਧੇਸੁ ਸਾਯਾ॥ ਤਕਾ
ਵਾਮ ਖਾਰਲਾ ਲੇਕਸਾ॥ ਤਕਾ ਤਮਾ ਮਾਰਿਆਮ ਦਾਤਦਕਾ
ਸਾਨਤਾਨ ਧੋਸੇਫ ਨੁਡ਼ ਥਾਡ਼ਛੇਡ਼ਮਾਗਾ ਨਨਾਕਤੁਕਸਾ॥ ਨਨਾ
ਧੋਸੇਫ ਏਕੋ ਧਾਰਮੀਤਿ ਧਾਰਮਿ ਸਾਯਾ॥ ਤਡਾ ਤਡਚਿ
ਥਾਡ਼ਛੇਡ਼ਮਾ ਹਾਕਿਨਡ਼ ਓਨਦਾਡ਼ ਮਾਰਿਆਮਡਾ ਓਫੋਕ
ਖੁਕਸੁਨਾ ਬਾਡ਼ਨਾ ਚੇਰਧਾ ਥਾ ਤੋਕਤੁਹੋਡ਼ ਸਵਾਕ
ਨਾਨਿਸਪਮਾਗਾ ਚੌਗੁਕਸਾ॥

ਇਲੇਨ ਸੇਰਨਿ ਸੇਮਮਾਡ਼ਬੇ ਏਕੋ ਨਿਡ਼ਵਾਫੁਮਾਗਾ
ਵਾਲੋਕਦੁਤਡਾ ਧੋਸੇਫ ਖਾਰਲਾ ਲੁ, “ਧੋਸੇਫ ਨਦਾ
ਮਾਰਿਯਮ ਡ਼ਹਿਡ਼ਖੁਮਾ ਚੋਕਮਾ ਡ਼ਗਿਸਿਤਾਨ॥ ਇਜਾਡ਼
ਬਾਡ਼ਨਿਡ਼ ਤਡ਼ਬੇ ਇਸਾ ਵਾਨੰ ਨਨਾ ਨਿਡ਼ਵਾਫੁਮਾਗਾ
ਸਾਕਿਤ ਭਾਡ਼ ਵਾਨੰਨਾ॥ ਹਾਕੁ ਤਡਾ ਏਕੋ ਤਚਧਾ ਬਾਬੁ
ਤੋਕਤਵਾ, ਨਨਾਗਾ ਤਨਿਡ਼ ਨਦਾ ਧੇਸੁ ਧੁਕਸੁਬਿ॥ ਇਜਾਡ਼

बाड़्निड़् उड़ा माड़् यार्मिचि पाप पाहाड़्
 फोकस्वाचिहा॥ हेन हाकिनड़् प्याक फिम्बिलिड़्
 ओन्दाड़् निड़्वाफुमाभाड़् चेकखुबाचिडा न्जेकतुहा
 चेर्या पुरा लेड़्मागा खारला लेकसाहा ओम॥
 “सोयानुम एको थाड़्न्छेड़ान्ना मामुड़ा ओफोक
 छवा, न्हाड़ा उड़ा एको उच्या बाबु तोक्त्वा न्नागा
 उनिड़् इम्मानुएल युड़्मे॥” न्हाड़ा योसेफ उयुप्मा
 भाड़् चेन्दाक्या॥ न्हाड़ा वालोकदुतड़ा लुहा लोर्वा
 माड़् थाड़्छेडु॥ न्हाड़ा उड़्चि येसु मेवाले सोम्म
 सोरि डंडिप्सान्चिन॥

डंखिड़् बेलाक तायेनराड़्बा सिजार आगास्टास
 घाक राज्याभोरिहा यार्मिचि न्निड़्गा साहारबे
 खेइघोड़् निड़् छेप्मेतानुम्चिम भोड़् आगे पिचि॥
 न्हाड़् घाक उड़्चि साहारबे निड़् छेप्मेसे डंख्या॥
 योसेफ नुड़् मारियाम चा दाउदका साहार बेथलेहेमबे
 छ्याचि॥ डंखिड़् बेलाकड़ा मारियामगा उच्या

तोकमाना बेला ताया॥ न्हाडा उडा न्नाबे एको उच्या
बाबु तोकतु॥ योसेफडा न्ना उच्या गा उनिङ् येसु
युक्सुबि॥

१४. येसुडा फामाहोम्बोक यारमि चामेतुचिहा

येसु वायाहोड् उड् पुसाड् पुसाड् र्ख्या॥
न्हाडा उडा निङ् वाफुमागा राज्यागा उतुम्बे पारचार
चोकसाड् लाम्मा तारोकतु॥ इलेन येसु होड्-गा?वाबे
थाडा होड् इसाचा मेरनिङ्-ना सुन्नेना ठोड्-बे र्ख्या॥
ड्-खा?निङ्-गो ड्-खिड् बेलाकडा न्नाबे?हा प्याक
यारमिचिडा चा येसु खेकसाना बाड्-ना चेरया
थान्दोकतुहोड् साहार भाड् लाम्साड् येसुगा हेकसाड्-
ला न्जोगा॥ येसुडा ड्-खा प्याक यारमिचि
निसुचिहोड् उलुड्-मा तुकतुचि॥ न्हाडा न्नाबे?हा घाक
तुखाबाड्-चि नुमेतुचि॥

नाम आयाहोड् चेलाचिडा येसु खा?ला

न्लु, “चिन्खुबा, हाकु नाम चा आया, ना इसाचा
मेरनिड्ना सुन्नेना ठोड् ओम, खा यारमिचि
पाकसाहाकसुचि॥ योरोक तोरोकहा तेनचिबे डःखेरहोड्
उडःचि चामावामागा तारतुम्बि न्टोकसुनि॥”
डःखारनिड्गो डःखिड् बेलाक येसुडा खारला
लुचि, “खाचि निड्दामाड् चामेड्बा पियानुम्चिम॥”

चेलाचिडा चहेन हाड्बा येसु खारला
न्लु, “न्हे कानिड् नुड्गो फा ओटा चालेप्पा नुड्
हिच्चि नासाचि से डःवान्ने, खिड्हा यारमिचि इमिन
खोरमेमाहाचि? हेकोहा चाम्योड्बा कानिड्नुड् इहा
चा मान॥” न्हाडा हाड्बा येसुडा लुचि, “डःखाचि न्हे
आप्तानुम्चिम॥” न्हाडा येसुडा डःखा घाक यारमिचि
चाउरबे युड्मेतानुम्चिमभोड् लुचि॥ न्हाड् डःखा फा
ओटा चालेप्पा नुड् हिच्चि नासाचि उमुकपे
याडुचिहोड् वालोकपोटि सोसाड् पारथाना चोगा॥
पारथाना चोगाब्याहोड् चालेप्पा एगु न्हाड् घाक

यारमिचि हाप्साब्यानुम्चमभोङ् चेलाचि पिचि॥
चेलाचिडा डःखा घाक यारमिचि डःहाप्सुबिचि॥
न्नाबेरहा घाकडा खानुङ् न्जो॥ डःखोङ् चा उङ्चिडा
न्नाबे एहिच डालो डःगोबु॥ न्नाबे चाखुबा मामुचि,
पिछानाछा बाहेक फा माहोम्बोकको वेम्फा यारमिचि
से डःवाया॥

१५. इसिरना मुझडा याकसुना यारमि नुयाना
हाङ्ग्बा येसुनुङ् उका चेलाचि निङ्ग्वाफुमागा
राज्यागा उतुम्बे पारचार चोकसाङ् आचाम्मा
आचाम्मागा काम चोकसाङ् न्लामानिङ्ग्डा गेरासेनास
बाङ्ना ठोङ्ग्बे न्दासु॥ डःखिङ् बेलाकडा न्नाबे एको
इसिरना मुझडा लाबुना यारमि वाया॥ न्ना इसाडा
चा उङ्चि तायेन्बे युङ्ग्मा डःयासुकसानिन॥ न्ना
कोङ्गु, सियापाङ्ग्खाबे लुक्ताघोन्दा, न्हाङ्

ड़्खाबे?माड् उड् वाया घोन्दा॥ न्ना इसिर्ना
 मुइडा लाबुना यार्मिडा येसु निसुहोड् उगुम्बे
 लुक्ताराया॥ न्हाडा न्ना यार्मिबे वायाना इसिर्ना मुइ
 खारला कासाड् चेकता, “हाड्-बा येसु, घाक हाकिनड्
 तो वालोकपे वाखुबा निड्-वाफुमागा उच्या, का तुखि
 म्ब्याडाना॥” इजाड्-बाड्-निड् ड़्खिड् बेलाकडा
 हाड्-बा येसुडा न्ना यार्मिबे वायान इसिर्ना मुइन्ना
 भाड् लोन्दाख्या भोड् आगे पिकसा॥

हाड्-बा येसुडा फेरि खारला लु, “ड़्गा
 न्निड् इना ओम?” न्नाडा काया, “आका आनिड्
 फाउज ओम, इजाड्-बाड्-निड् कानिड् नाबे प्याक
 वेर्नेतिड्-हा॥”

न्नागा उयुम्बेर्ना कोड्-गुबे एको फाकिचगा
 माडा बागाल चा चारान्जोकमास्या॥ ड़्खा इसिर्हा
 मुइचिडा हाड्-बा येसु उड्-चि मुक फाकसाड्
 खारला लु, “कानिड् ना भाड् माड्-दु न्लोन्धाकसान,

यु खा चाराचोकमान्सिम्याहा फाकिचबे पाकसहाकसा,
 कानिडः न्नाबे उइवाडःहा॥” न्हाडा हाडःबा येसुडा
 चा डःखा इसिरहा मुइचि, न्ना भाडः खेरमाना आगे
 पिचि॥ जोबो डःखा इसिरहा मुइचि फाकपे डःडुया,
 डःखिडः बेलाकडा माडः डःखा फाकिच सामुन्दारापोटि
 लुकसाडः-लुकसाडः डःख्याहोडः सामुन्दारागा
 माडःच्वाबे न्लुप्सास्या॥

डःखा फाक कोप्खुबा यारमिचि चहेन डःखा
 निसुहोडः डःगिसिता॥ न्हाडः, उडःचि तेन, साहार पोटि
 न्लुकताख्याहोडः घाक चेरया न्नाबेरहा यारमिचि
 डःखेम्मेतुचि॥ न्नाबेरहा यारमिचि चा, खा इह्या
 लेकसाहा ओम भोडः सोप्मागा लागि न्नाबे न्दाया॥
 न्नाबे न्दायानिडःडा ओन्दाडः चिहानबे लुडःघो खुबा
 यारमि, न्नाबे उचुन्माचेक तेक वाहोडः युडामासाना
 उडःचिडा न्निसु॥ न्हाडा उडःचि आचाम्मा
 मानान्जोगा॥

हाड़बा येसु न्ना भाड़ खेकसा सानिड़, न्ना नुयाना यारमिडा खारला लु, “हाड़बा येसु का चा न्दानुड़ लोड़मेड़ना॥” डंखारनिड़गो हाड़बा येसुडा न्ना यारमि लोड़मा म्बिन॥ उडा खारला लु, “न्दा बुरु म्बाड़बे छ्याघोड़, डंगा लागि निड़वाफुमाडा इह्या चोगुहा, न्दा इमिन निड़वाफुमाडा नुमेतागाना, खा चेर्या घाक डंगाम्निभाकचि योकमेतुचि॥”

१६. मिक सुरुम्बा नुयाना

इलेन हाड़बा येसु नुड़ उका चेलाचि न्लाम्मास्या॥ डंखिड़बेलाक उड़चिडा एको मिकसुरुम्बा यारमि न्निसु॥ न्ना यारमि वायानिड़डा माड़ उमिकडा मेनिखुबा सा॥ उका चेलाचिडा खारला लुसाड़ न्छिम्दु, “हाड़बा येसु, इसाडा पाप चोगुहोड़ न्ना यारमि खारला लेकसाना लोप्पि?” न्हाडा हाड़बा येसुडा

चहेन खारला लुचि, “न्ना यारमि इसाडा चा पाप
 न्जोगुहोड़ ना यारमि खारला लेकसाना मेन्ना॥
 उप्पाडा चोगुहा पापडा खारला लेकसाना मेन,
 उमाडा चोगुहा पापडा खारला लेकसाना चा मेन्ना॥
 डःखारनिड़गो निड़वाफुमागा काम उड़बे ओत्तिभोड़
 खारला लेकसाहा ओम॥ न्हाडा हाड़बा येसुडा खाम
 पोतुहोड़ लेप चोगु, न्हाड़ न्ना मिकसुरुम्बा यारमिगा
 उमिकपे नेकतुबि॥ न्हाडा उडा खारला लु, “न्दा
 सिलोआम बाड़ना तालाउबे छया, न्हाडा न्नाबे
 छयाघोड़ न्नाचिक वासि॥”

न्ना यारमि चा हाड़बा येसुडा लुहा
 लोरवामाड़ सिलोआम बाड़ना तलाउबे छया न्हाडा
 उनाचिक वासि॥ डःखिड़बेलाकडा माड़ उडा
 उमिकडा निमा तारोकतु, न्हाडा उड़ पाड़बे लासा॥
 न्हाडा उका पाड़निवाकिचडा चहेन न्ना यारमि
 न्निसुहोड़ छाकका पोरान्जोगा, न्हाडा उड़चि उड़चि

खारला ड़गाया, “आरे न्ना यारमि गो मिकसुरुम्बा सायाना मेन्नाइ? नाड्चाड्घोखुबा? न्हाडा न्नाबे कोइ कोइडा खारला ड़गाया, “न्ना मिकसुरुम्बा ओम्बा! इखिड्डा चहेन ड़गाया, “ना मिकसुरुम्बा लोरवाना चहेन ओम ड़खारनिड्गो न्ना यारमि गो मेन्ना॥

ड़खिड्ड बेलाकडा न्ना मिकसुरुम्बा यारमिडा खारला लुचि, “का न्ना मिकसुरुम्बा यारमि ओम्डाना॥” न्हाडा ड़खाचिडा न्ना आन्धा यारमि न्छिम्दु, “न्दा इमिन मिक निखुबा लेकसागाना? इमि म्मिक ड़होसाहाचि?” मिकसुरुम्बाडा खारला लुचि, “एको येसु बाड्ना यारमिडा खाम पोतुहोड्ड लेप चोगु, न्हाडा आका आमिकचिबे एन्दाव्याड्ड॥ न्हाडा आनाचिक वासिसे सिलोआमगा तलाउबे पाकसाहाकसाड्ड न्तडा लुयाड्ड, ‘सिलोआम बाड्ना तालाउबे छयाघोड्ड न्नाचिक वासि’ न्हाडा का

ड़्खारलामाड् ख्याड्‌होड् आनाचक वासिड्
ड़्खिड्‌बेलाक नाहाड्‌तोमाड् का आमिकडा निमा
तारोक्तुड्‌हा॥

१७. येसुडा कुहिक लामेतुना

इलेन येसु उका चेलाचिनुड् होड्‌गा?वाबे थाडा॥
न्हाडा उका चेलाचि खारला लुचि, “कानिड् ना
तालगा योप्पारिक खेझ॥” न्हाडा उड्‌चि योप्पारिक
ड़्ख्या॥

ड़्खेप्मास्यानिड् येसु होड्‌गा?वाबे
झप्साख्यामासा॥ ड़्खिड् बेलाकडा माडा कुहिक,
वासिक ताया॥ न्हाडा होड्‌गा?वाबे माड्‌च्वा
थोमाहोड् होड्‌गा?वा लुप्साखेकसा सा॥ ड़्खिड्
बेलाकडा येसुगा चेलाचिडा उयुम्बे ड़्ख्याहोड् खारला
लुसाड् म्बोगु॥” चिन्खुबा, चिन्खुबा कानिड् न्हे
लुप्सखेझ्किसडाहा॥” न्हाडा हाड्‌बा येसु पोगाहोड्

ना कुहिक, वासिक थिन्दु॥ डंखिडंबेलाकमाड् न्ना
 कुहिक, वासिक लासा रुया॥ न्हाडा उडा उका
 चेलाचि लुचि, “न्निडंगा विस्वास हे?नाइ?” डंखा
 डंखेप्सुहोड् डंखा चेलाचि तुकनुड् डंगिसिता॥ न्हाडा
 आचम्मा माना चोकसाड् उडंचि उडंचि खारला
 डंगाया, “ना इसा ओम? कुहिक नुड् वासिकडा चा
 उका चे?या यथेन्वाहा॥”

१८. येसु स्याना

येसु वालोक राज्यागा उतुम्बे नुसाला खेम्मेसाड्,
 न्दुगाब्याहा यारमिचि नुमेसाड्, इसिरहा मुइडा
 लाबुचिहा यारमिचि फोडंसाड् लामा॥ डंखा उडा
 चोगुहा आचाम्माहा काम यो खे तोमो घाक पोटि
 हिसा॥ न्हाडा प्याक यारमिचि उका हेकसाड्
 लान्जोगा॥ डंखा न्निसुहोड् याहुदि हाडंखुबाचि,
 चिन्खुबाचिडा इमिन लाप्माहोड् सिमाना भोड्

साल्लाहा न्जोगा॥

इलेन हाड्बा येसु उका चेलाचिनुड्
गेतसमानि बाड्ना फुड्साहाम्बे पारथाना चोकसे
र्घामासा॥ न्नाबे याहुटि हाड्खुबा, याहुटि
व्यावास्था चिन्खुबाचि, किथिरिकपाचि न्दायाहोड्
न्लाबु न्हाड्ना माहाड्खुबागा पाड्बे ड्खेतु॥
ड्खिड्बेला काइयाफा माहाड्खुबा साया॥ ज्ञाबे
ड्खेतुहोड् घाक खाले मेन्हा मेन्हा आप्टिक ड्डेन्टु,
ड्खारनिड्गो येसु मेन्जेकले स्वाक वायामासा॥
उड्चिड्ना येसुबे इहा चा इसिरहा, उड्सिमा
लाइकहा बिरोड् तोकमा घ्यासुनिन ड्खोड् चा
सिमाना भोड् ड्गाया॥ न्हाड्ना किथिरिकपाचिड्ना
उड्चि खोकमाड्ना न्थोकतु, कोराड्ना म्मोकतु, खिजे
न्जातु न्हाड्ना कुरुसपे छुरनेम्मागा खाप्पारे बाड्ना
ठोड्बे ड्खेतु॥

न्नाबे न्दामेतुहोड् हिप्पाड् खुसुबाड्चिगा

उलुम्बे कुरुसपे न्छुएन्दु॥ डःखिडःबेलाक येसुडा
खारला कासाडः निडःवाफुमा पा नुडः पारथाना चोगा,
“निडःवाफुमा आप्पा खा यारमिचि छेमा पिचि,
इजाडःबाडःनिडः खाचिडा इहा न्जोकमान्सिम्मे डःखा
उडःचिडा मेन्निलेन्जोकमासिम्मे, खाचिडा कानिडः
इहा चोकमासिइवाडःहाभोडः उडःचिडा था मान्ना॥”

हाडःबा येसुगा ओसोकमा खेप्माना बेलाक,
लेन लुम न्हाडःतो लेत्निडः सुम मोक्तुनिडः सोम्मा
घाक कुरयुम लेकसा॥ डःखिडःबेलाकडा हाडःबा येसुडा
खारला कासाडः उका ओसोकमा ल्याहाकसु,
“निडःवाफुमा आप्पा, निडःवाफुमा आप्पा, आका
आत्मा न्दाबे सुम्पाचोग्वाड़ा॥” डःखा न्निसुहोडः
किधिरिकपाचिगा केप्टेनडा चा खारला कासाडः
निडःवाफुमागा उनिडः थेन्दु, “जेप्पामाडः ना यमरमि
गो निडःवाफुमागा उच्यामाडः सायामाना राइछो॥”

हाडःबा येसुगा सेब्याहोडः, नासेकडा उका

एको चेलाडा येसुगा लास पिलातासभाड्
 नाकताप्तुहोड् सुतिगा तेकडा कितु न्हाडा
 सियापाड्‌बे युकसु॥ नामलेन भेनिक कुचिककुचिक
 ओम लेकसानिड्‌डा हिप्पाड् मामु यारमिचि हाड्‌बा
 येसुगा सियापाड् सोसे छ्याचि॥ ड्‌खिड् बेलाकडा
 माडा लुकिलबा छ्या॥ इजाड् बाड्‌निड्
 निड्‌वाफुमागा एको वालोकदुत ज्ञाबे वालोकभाड्
 उकसाहोड् न्ना सियापाड् एप्ताना लुड्‌छ्वाक
 काकसाहाकसु॥ ड्‌खिड्‌बेलाक ड्‌खा कुखुबा
 किथिरिकपाचिडा ड्‌खा ज्ञिसुहोड् तुकनुड् ड्‌गिसिता॥
 ड्‌खारनिड्‌गो ड्‌खा हिप्पाड् मामुचि चहेन
 वालोकदुतडा खारला लुचि, “न्जिड्‌दा
 न्गिसितान्चिन, इजाड्‌बाड्‌निड् का था वाज्ञे
 न्जिड्‌दा कुरुसपे न्छुसिना येसु योकमा सिम्मेचिघा॥
 ड्‌खारनिड्‌गो उड् नाबे मान्ना, उड् हिङ्गलिक
 लेकसाब्यामाना॥ उड् न्जिड्‌दा हाकिनड् ओन्दाड्

गालिलबे खेप्मासिम्मे?ना॥ न्नाबे न्जङ्डंदा
निमेचुगाना॥” न्हाडा डऱ्खा मामुचि न्नाभाड् डऱ्खा
चे?या येसुगा चेलाचि योकमेसे छ्याचि॥

१९. येसु वालोकपे छ्याना

हाड्बा येसु हिड्गिलिक लेकसाहोड् नाखेड् लेन
सोम्मा उका चेलाचि नुड् वाया॥ डऱ्खिड्बेला उडा
का हिड्गिलिकडाना भोड् प्याक पारमान सोप्मेतुचि॥
उडा निड्वाफुमागा राज्यागा उतुम्बे योकमेतुचि॥

येसु वालोकपे खे?माना बेलाकपे उका घाक
चेलाचि गालिल बाड्ना कोड्गुबे काचि॥ उड्चि
न्नाबे न्दाव्याहोड् उडा खारला लुचि, “वालोक नुड्
ताम्दाड्फुमाबे?हा घाक चोक्तोक का तोक्तुकसुड्॥
न्हाड्डा माड् न्निड्दा छ्यानि, घाक यार्मिचि
नुसाला खेम्मेतानुम्चिव्यम्घोड् चेला चोगानुम्चिम॥ इसाडा
नुसाला खेप्स्वाहोड् विस्वास चोग्वा न्नाडा से

मुक्ति तोकत्वाना॥ का इहा चिन्नुड़्नेनिन, आगे
पिन्नुड़्नेनिन, ड़खा घाक उड़्चि चा चोकमा
चिन्दानुम्चिम॥ सोयानुम ना कायुड़्लेन नास मेलेड़्ले
सोम्मा का न्निड़्दानुड़् वाम्मेड़्ना॥” खिड़्
लुइचिहोड़् हाड़्बा येसु उका चेलाचिड़ा न्सोहेकसुनुड़्
वालोकपोटि चान्दाख्या, न्हाड़ा खिम्फुरुम्माड़ा
एप्तेहेतु॥

ड़्खिड़्बेलाक न्नाबे थाप्थुम्बे हिप्पाड़् फुहा
तेक वाखुबा यारमिचि ओताचि॥ ड़्खाचिड़ा येसुगा
चेलाचि खारला लुयाचुचि, “न्निड़्दा इना स्वाम्गाना?
खोप्सानुम, लोप येसु इमिन वालोकपे छ्याना
निसुम्गा, ड़्खारलामाड़् इलेन न्निड़्दा विस्वास
चोकखुबाचि चा लाल्लासे ताम्टाड़्फुमाबे तामेरना॥”
न्हाड़ा ड़्खा ड़्खेप्सुहोड़् चेलाचि चा चोन्सिसाड़्
न्ना भाड़् उड़्चि पाड़्बे न्लासा॥

२०. मान्डालि सुरु न्लेकसाहा

हाड्बा येसु वालोकपे खे?मा हाकिनड्ड
ओन्दाड्ड उडा उका चेलाचि खारला लुकसाचि,
“न्निड्दा नाभाड्ड हे?नेचा ड्ऱ्यानिन, निड्वाफुमा
पाडा पिइघा बाचा कुसामासानुमा॥ जोबो न्निड्दाबे
निड्वाफुमागा पावित्तारा आत्मा तामे, न्हाडा
न्निड्दा साकित तोकत्वाम्गा न्हाड्ड ताम्दाड्फुमागा
योना उलाप सोम्मा आका साचि लेकिसवाघा॥ न्हाडा
ड्ऱ्खारलामाड्ड येसुगा चेलाचि, हाड्बा येसु वालोकपे
खेब्याहोड्ड उड्चिएको निड्वागा न्लेकसाहोड्ड एको
कोठाबे साधाड्ड पारथाना न्जोगामासा॥

पेन्तिकोसका लेन ताया, न्ना लेन चा उड्चिसा
साधाड्हा लो?वामाड्ड एको कोठाबे न्छुप्साहोड्ड
पारथाना न्जोकमास्या॥ ड्ऱ्खिड्ड बेलाकडा थाप्थुम्बे

माडा हि?वा फेनाना लु?वा चोगा॥ न्ना हि?वाडा
 न्ना घाक कोठा इप्तु॥ न्नाबे मिलेप ओता, न्हाडा
 फोकाक फोकाक लेकसाहोड़ ड़्खा घाक चेलाचि
 छोड़्बे युडा॥ ड़्खिड़्बेलाक उड़्चिडा साक्ति
 न्दोक्तु॥ न्हाडा निड़्वाफुमागा साक्तिडा भोरिपुरना
 न्लेकसाहोड़ पाबित्तारा आत्माडा चिन्दुचिहा
 लो?वामाड़ प्याक खाले चे?या न्जेक्तु॥ ड़्खिड़्बेला
 न्नाबे प्याक जातिका यारमिचि चा ड़्वाया, ड़्खाचि
 ड़्खा ड़्खेप्सुहोड़ न्निसुहोड़ छाकका पोरा न्जोगा॥
 इजाड़्बाड़्निड़् न्नाबे प्याक खाले चे?या उड़्चिडा
 न्जेकमास्या॥ उड़्चि कोयकोइ खारला चा ड़्गाया,
 खाचि च्वाडा सिसुकसुचिहा॥ ड़्खिड़् बेलाक
 पात्तुरुस निड़्वाफुमागा साक्तिडा पोगाहोड़
 ड़्खाचि खारला लुचि, “न्हे छुप्सिमिघा घाक
 आफुआनुन्छाचि न्निड़्दा खेप्सानुम, “खाचि न्निड़्दा
 काइघा लो?वा च्वाडा सिसुच्याहा मेन्ना,

डःखारनिडःगो हेन हाक्विनडः प्याक फिम्बिलिडः
 ओन्दाडः निडःवाफुमाड़ा योएल बाडःना
 निडःवाफुमाभाडः चेक्खुबा भाडः खारला चेक्तामासा,
 ‘हेक्साडःहा लेनचिबे खारला लेडःमे, आका आत्मा
 घाक यारमिचि छोडःबे पाकस्वाडः॥ न्हाड़ा उडःचिगा
 च्या बाबुचि, मामुचिड़ा आगामबानि न्जोग्वा, प्याक
 खाले चेर्या न्जेक्त्वाहा॥’ डःखा चेर्या माडः हेन पुरा
 लेक्साहा ओम॥” न्हाड़ा डःखा डःखेप्सुहोडः, न्ना
 लेनबे न्नाबेर्हा सुम माहोम्बोक यारमिचिड़ा
 विस्वास न्जोगु॥

२१. पात्रस छेकपाडःबे

जोबो मान्डालिचि पुसाडः डःछ्या, सातावाट चा सुरु
 लेक्सा॥ मान्डालि तुखिपिखुबा साताचोक्खुबाबे मुख्या
 हाडः हेरोदगा उमुक वाइसा॥ न्नाबेलाकड़ा उड़ा
 विस्वासिचि इब्बे इब्बे तुखि पिरमातारोक्तुचि॥ उड़ा

पात्तुरुस वा लाबुहोड् जेलबे एन्दु॥ न्हाडा
लोड्-खेप्मा ड्यानिन्नभोड् बाइरा काड्-बाचि
कुमेतुचि॥

ड्-खिड्-बेलाकडा बिस्वासिचि चहेन
पात्रुस हेरोट हाड्-गा उमोकपाहाड् फोड्-निभोड् एको
निड्-वागा न्लेकसाहोड् इब्बे इब्बे पारथाना
न्जोकमास्या॥ हेरोट हाड्-डा पात्तुरुस सिमागा
याहुदिचिगा उयुम्बे ताप्मा हाकिसड् ओन्दाड्-ना
सेत्निड् पात्रुस हिच्चि साड्-लिडा न्थुन्दुहोड्
हिप्पाड् सिपाहिचिगा उलुम्बे डंडि-प्सुक्सा॥
ड्-खिड्-बेलाक न्नाबे थाप्थुम्बे निड्-वाफुमागा एको
वालोकटुत ताया॥ न्हाडा उडा पात्तुरुस खोत्लिक
खोतुहोड् खार्ला लु, “हानि पोगा॥” ड्-खिड्-बेलाकडा
ड्-खा उमुकपे?हा साड्-लिचि आफाइ म्फुक्साख्याहोड्
खाम्बे डायाख्या॥ न्हाडा वालोकटुतडा फेरि खार्ला
लु, “ म्फको?मा हाप्सुघोड् आहेक्साड्-

आहेकसाड्-आबा॥” न्हाडा पात्रुस चा वालोकटुतका
हेकसाड्-हेकसाड् र्घ्या॥

पात्रुसडा खा घाक का सेम्माड्-
माकमासिम्मेड्-ना मितामासा॥ उड्-चिडा ड्-खा इम्ना
नुड् हिम्ना पाहारा पिखुबा काड्-बाचि
काकतेहेताचुचिहोड् चेक्किचगा गेटपे तासाचु॥ न्ना गेट
आफाई होसा, न्हाडा उड्-चि बाईरा लोन्दाचि॥
लोन्दाब्याचिहोड् वालोकटुतडा पात्रुस नाओ॥ जोबो
पात्रुसगा ओचेत न्दायाहोड् उडा खार्ला काया, “खा
घाक चेर्या सेम्माड् गो मेन्ना, जेप्पागाले ओम
राईछो॥ का हेरोद हाड्-गा उमोकपाहाड् फोड्-मागा
निड्-वाफुमाडा उका वालोकटुत पाकसुकसुना
राईछो॥”

22. कुजे यार्मि नुयाना

इमा लेर्निगा सुम मोकतुनिड् पात्रुस नुड् युहान्ना
पारथाना चोकसे याहुटि छुम्पाड्-बे र्घ्याचि॥ ड्-खिड्-

बेलाकडा न्ना छुम्पाड़गा वालाम्बुड़बे एको कुजे
 यारमि वाया॥ न्ना नाड़चानि भोड़ उका
 आफान्ताचिडा साधाइ न्नाबे ड्युकसोओकसा॥ न्ना
 कुजे यारमिडा पात्रुस नुड़ युहान्ना निसुचिहोड़
 उड़चि भाड़चा इहा तोकत्वाड़हायेमभोड़ नाकतुचि॥
 ड्खिड़ बेलाकडा पात्तुरुस नुड़ युहान्नाडा खारला
 लुयाचु, “कान्चिड़ सोया” न्नाडा चा इहाले
 पिहेकसाहायेमभोड़ खारला सोचि॥ ड्खिड़बेला
 पात्तुरुसडा खारला लु, “का नुड़ साम्याड़, युप्पा इहा
 चा मान, ड्खारनिड़गो कानुड़ इहा वान्ने ड्खा का
 हेन पिम्मेरनेन्हा॥ न्दा येसु खिरिस्टका उनिड़बे
 पोगाघोड़ लामा॥” न्हाडा उमोकपे लाबुहोड़ पोगु
 ड्खिड़बेलाकडा माड़ न्ना यारमिगा उलाड़ उमोकपे
 साकित तायाहोड़ उड़ मुथिड़गिरिक पोगा, न्हाडा
 लाम्मा तारोकतु॥ न्हाड़ पात्तुरुस, युहान्ना नुड़
 चोन्सिसाड़ निड़वाफुमागा उनिड़ थेन्साड़ छुम्पाड़

होड्बे उया॥ ड्खिड्बेलाक न्नाबेहा घाक
यारमिचिडा कुजे यारमि लाम्साड् निड्वाफुमागा
उनिड् थेन्दुना न्निसुहोड् छाकका पोरान्जोगा॥ न्हाडा
न्नाबे प्याक यारमिचि न्छुप्साराया॥ ड्खिड् बेलाक
पात्तुरुसडा खारला लुचि, “ओ इजिरेल बेरहा
यारमिचि कान्चिड् इजाड् ओओड् इइड्
सोम्मेकाहा ? ना यारमि आन्चिड् गा साकित नुड्
भाकितडा नुमेताड् चुड् ना लोरवा? ड्खारनिड् गो
ड्खारला मेन्ना, न्निड् दा एको पाबित्तारा नुड्
धारमोति यारमि सिसुम्गा, न्ना यारमि निड्वाफुमाडा
स्याना भाड् चा हिड् मेतु॥ न्हाडा उका उनिड्बे
बिस्वास चोगुनाडा माड् ना यारमि नुयामाना ओम॥

24. येसु फेरि तामेरना

इलेन येसुडा उका चेलाचि खारला लुचि, “हाकु का
निड्वाफुमा आप्पागाबे खेप्माना बेलाक लेकसेहेकसा॥
न्निड् दा सुरता न्जायानिन, न्निड् गा निड् वा

ड़न्दुकिनन्न॥ का खेमेड्होड़ फेरि न्निड्दा बिस्वास
 चोकखुबाचि लान्लासे इलेन ताम्दाड़फुमाबे ताम्मेड़॥”
 ड़खिड़ बेलाकड़ा येसुगा चेलाचिड़ा खारला लुसाड़
 न्छिमदु, “हाड़बा येसु, न्दा हेत्निड़डा कानिड़
 लान्लासे ताम्मेकाना?” न्दा ताम्दाड़फुमाबे तामा
 हाकिनड़ ओन्दाड़ इहा इहा लेड़मेहा?” न्हाड़ा
 येसुड़ा खारला लुचि, “न्निड़दा होसियार वायानि,
 इसाड़ा चा लेम्चामा न्दोकितगान्न॥ का हेत्निड़
 तामेड़ न्नागा उतुम्बे निड़वाफुमा पाड़ा से था
 वान्नेरना॥ आरु इसाड़ा चा था माज्ञा॥ ड़खारनिड़गो
 सोयानुम, का न्निड़दा लाल्लासे तामा हाकिनड़
 ओन्दाड़ ताम्दाड़फुमाबे खा खा चिड़गो न्लेड़मेहा॥
 प्याक यारमि का मुकित्त पिखुबा खिरिस्टड़ान कासाड़
 न्दामे, का पाप पाहाड़फोड़खुबाड़ान् ड़गामे॥ न्हाड़ा
 ड़खाचिड़ा प्याक यारमिचि न्लेमुच्वाचि॥
 ड़खिड़बेलाक ताम्दाड़फुमाबे माम्माहा लुकिलबाचि

ड़्खेम्मे, जाति गा विरुद्धाबे जाति, राज्यगा विरुद्धाबे
 राज्या म्बोड़्मे, न्हाडा माम्माहा लडाइ न्लेड़्मे॥
 यारमि यारमिबे लुड़्मा तुकखुसाचामाना मान्दिसाड़्
 खेम्मे, न्हाडा यारमिचि लुड़्मामेन्दुकखुबा न्लेड़्मे॥
 न्निड़्दा बिस्वास चोकखुबाचि हेकोहा यारमिचिडा
 तुकनुड़् तुखि पिइवागा, न्निड़्दा लाबिरवागाहोड़्
 छेकपाड़्बे छेकितवागा॥ ड़्खिड़् बेलाक प्याक
 बिस्वास चोकखुबाचिडा बिस्वास न्लेप्तिरवा॥
 ड़्खरनिड़्गो न्निड़्दा ड़्गिसितानिन
 इजाड़्बाड़्निड़् इसाडा हेकसाड़् सोम्म बिस्वास
 न्लेप्तिरवान न्नाडा से उट्दार तोकत्वा, उडा से
 वालोकपे खेरमा तोकत्वा॥ खारला खा घाक
 लेड़्दिमेहोड़्, ताम्दाड़्फुमा बेरहा घाक जातिगा
 यारमिचिडा नुसाला ड़्खेप्सिरवाहोड़् का न्निड़्दा
 लाल्लासे ताम्मेड़्॥"

लोक कथाहरु

१ चातुरे

-जीवन याख्खा

एको तेनबे सुम्भाड्गा एको पारिवार वाया॥
चातुरे,उफु नुड् उभाउजु॥ न्ना चातुरे छहेन तुकनुड्
चोम्बु साया॥ न्ना चोम्बु सायाहोड्माड् उभाउजुडा
सोप्माइ ह्यासुक्सान॥ उडा साधाइ थिन्दुक्सा
सेप्पा॥ उभाउजु लेनगा लेन भेनिक भेनिक

माड़्-पाड़्-बे लामामासा॥

इलेन चातुरेडा उभाउजु साधाइहा लो?वा माड़्
माड़्-पाड़्-बे खेप्मास्याना निसु॥ न्हाडा उड़् खा?ला
मिता,ना भाउजु इजाड़् लेनलेन माड़्-पाड़्-बे खेम्मे?ना
? हेन छहेन का चा उका ओहेकसाड़् ओहेकसाड़्
चुम्साड़् खेन्सोप्मातायाना॥ न्हाड़् चातुरे उभाउजुगा
हेकसाड़् हेकसाड़् चुम्साड़् चुम्साड़् माड़्-पाड़्-बे रुया॥
माड़्-पाड़्-बे तासाचुहोड़् उभाउजु चेन सोरोसोरो
माड़्-पाड़्-बे उयारुया॥

न्हाडा उमोटेड़्-बाडा छहेन् भाउजु
इचोड़्-मे?ना भोड़् स्वाक माड़्-पाड़्-गा योना पोटि
रुयाहोड़् खेप्सुकसा॥ ड़्-खिबेला उभाउजु खा?ला
कासाड़् माड़्-नुड़् पारथाना चोकमा तारोकतु॥ “हे
भागवान का इ चोकडा? आका एको आमोटेड़्-बा
वान्ने न्ना का इमिन सिसुड़्?” ड़्-खा चेक्ताहा चे?या
छहेन ओमोटेड़्-बाडा योना पोटिन्धाड़्

खेप्सुकसा, न्हाडा उड़ भागवान चेकताना लो?वा
 खारला कासाड़ चेकता, “न्दा तुखि न्जायान, ड़गा
 पारथाना का खेप्सुकसुड़॥ हाकु ड़गा म्मोटेड़बा सुम
 मोनाम सोम्माबे मिकसुरुम्बा लेड़दिमेना॥ हाकु न्दा
 रुया, न्हाडा खुम्दुहा खुम्दुहा चाम्योड़बा निघोड़
 पि॥” न्हाडा उभाउजु चहेन जेप्पा कानुड़ भागवान
 चेकताना मिताहोड़ इब्बे इब्बे चोन्सिसाड़ पाड़बे
 लासा॥

न्हाडा ओमोटेड़बा चहेन उभाउजु तान्दिप्पा
 हाकिनड़ ओन्दाड़ उड़ पाड़बे तासुहोड़ मिकसुरुम्बा
 लो?वा लेकसाहोड़ चारामबे युडामासा॥ न्हाडा
 मिहेकसाड़ उभाउजु चा तायाव्याहोड़ उडा
 उफु, उभाउजुचि खारला लुचि, “आफु नुड़ भाउजु
 का गो इडाले हायाड़ना बा? आमिकडा चा कुइम
 कुइम निसेहेतुड़हा॥” चातुरेडा खारला कायाना
 खेप्सुहोड़ उभाउजुडा चहेन उनिड़वाबे खारला

मिता, हाकु ड़गा काल तायामाना॥ हाकु न्दा
 ड़हिड़मेकान्ना बाबु॥ न्हाडा उडा ओमोटेड़बा
 माड़पाड़बे खेप्सुहा लो॒वा माड़ खुम्दुहा खुम्दुहा
 चामेड़बा निसाड़ पिप्मा तारोकतु॥ ओमोटेड़बा चहेन
 खुम्टु खुम्टु चामातोकतुहोड़ लेनलेन चात्तु चात्तु
 लेड़साड़ छया॥

ड़खारलानुड़ ड़खारलानुड़ सुम मोनाम चा
 तासु, न्हाडा इलेन चातुरेडा उफुनुड़ उभाउजु
 काचिहोड़ खारला लुचि, “आफु नुड़ भाउजु कागो
 आमिकडा पुराइ निमा लेप्तिड़ हाकु इ चोकडा?”
 उभाउजुडा चहेन खारला कायाना खेप्सुहोड़
 उनिड़वाबे खारला काया, हाकु न्दा स्यागाना॥
 न्हाडा उभाउजुडा उफु पाड़होड़बे काहेतुहोड़
 खारला लु, “लु हाकु नाडा उमिकडा निमा लेप्तिकसु
 खिबाकडा थुन्चुहोड़ धोकोरोबे याड़चु न्हाड़
 भिरिकपाहाड़ काड़नाहाड़चु॥” ड़खा घाक चेया

चातुरेडा बाइरा खेप्सुकसा॥ न्हाडा उडा उफु काहोड़्
खारला लु, “आफु का एको माना डाङ्गाक
चोकताब्याङ्घाइ॥ नाबे एको कुचुमाडा तुकनुड़् तुखि
पिप्मासिम्मेड़ना॥” न्हाडा उफुडा चा एको माना
डाङ्गाक उनुच्छा चोकतुतु॥

न्नागा मिहेकसाड़् उभाउजु नाडा जेप्पागा
उमिकडा न्निस्वानाहा मिताहोड़् खिबाकडा थुम्मा
तायाना भोड़् उयुम्बे खिबाक ताहोड़् उयुम्बे ताया॥
ड़्खिड़् बेला चातुरेडा न्ना उफुडा बाचोकतुबिकसाना
डाङ्गाकडा उभाउजुगा उटुखुरुक्पे ठाड़् कोकतेन्दु॥
न्हाडा उड़् खारला कासाड़् माडा सेम्लाडा ओकता,
“ओ आफु नुड़् भाउजु, न्हे आबाचिघाइ का एको
माना कुचुमा मोक्तिसिक्सुड़ना॥” ड़्खिड़् बेला उफु
आत्येचोकसाड़् पाड़् बाइरा लोन्दा॥ बाइरा
लोन्दानिड़डा गो कुचुमागो मेन्ना उहिड़्खुमाले ठाराइ
मोक्तिसितुबिकसुना॥

२. याकखाबाचिगा उथुक

-जयन्दा याकखा

उझले प्याक फिम्बिलिङ् ओन्दाङ् एङ्-गा
तेनवे एको माडा पुङ्-दा वायाबु॥ ङ्-खिङ्-बेलामाङ्
ओन्दाङ्-ना माडा लाडाङ् चा लेकसानाबु॥ न्ना लाडाङ्
भाङ् एको ओफोक खुखुमा मामु डिक्ताहासु बु॥
ड्-खिङ्-बेला न्ना मामु आलापात्र लेकसाहोङ् लुकसाङ्
लुकसाङ्, लुकसाङ् लुकसाङ् तायानिङ्-डा न्ना
पुङ्-दाबे तायाब्याबु॥ न्ना पुङ्-दा बे पाङ्-चि
म्मायानिनबु, एको माना लुङ्-टाङ् से वायाबु॥ न्ना
लुङ्-टाङ् बे?माङ् न्ना मामु वायाबु, उडा

न्नाबे?माडः हिप्पाडः उच्या बाबुचि तोकतुचिबु॥

डःखा बाबुचि लेनलेन पुसाडः पुसाडः छ्याचिबु,
न्हाडा न्ना मामु चहेन माघ्याम लासाहोडः स्याबु॥
उडःचि मा स्याख्याहोडः डःखा बाबुचि पुडःदाबे
सिकार चायाधोन्दाचिबु॥ डःखा?ला सिकार
चायाधोन्दाचिनिडः ओछोडा ओछोडा ठोडःबे चा
तासाचुबु॥ इलेनगा चे?या ओम उडःचिडा ओछोडा
ठोडःबे एको उचुन्ना मामु तुप्साचुबु, डःखोडः न्ना
मामु उडःचि पाडःबे लेमारायाचुबु॥ न्हाडा उडःचिगा
सान्तानचि चा न्लेकसाख्याबु॥ डःखा?ला उडःचि
सिकार चासाडः चासाडः छ्यानिडः फेरि एकोना
एकोना ठोडःबे चा न्दासुबु॥ न्ना ठोडःबे उचुन्हा
उचुन्हा बोस्ति न्निसुचिबु, न्हाडा उडःचि न्नाबे?हा
या?मिचिनुडः नाजिक न्लेकसाहोडः सालापुला लेन्चामा
न्दारोकतुबु॥

डःखा या?मिचिडा उडःचि उचुन खेतिपाति

चोकमा, पोसु पारनिचि, चाउपायाचि हिड़्माचि भोड़्
 साल्लाहा म्बिचिबु॥ खोड़् उड़्चिडा चा ड़्खारला
 माड़् चोक्मा न्दरोक्तुबु॥ खेतिपाति न्जोगुबु, साड़्वा
 पिकचि ड़्हिडुचिनिड़्बु, न्हाड़् बाताबारन चा उचुन
 लेकसाबु॥ घाक फिम हाराभारा लेकसाबु॥ ड़्खोड़्
 नाकुछ्याकिच चा न्जोन्दास्याबु॥ ड़्खारलाहोड़् माड़्
 यारमिचि चा पुसाड़् पुसाड़् छ्याबु॥ खारला एको,
 हिच्चिव लेड़्साड़् बोस्तिचि चा प्याक प्याक
 न्लेकसाख्याबु॥ उड़्चिगा प्याक बोस्तिचिबे प्याक
 खाले उड़्चिगा सास्कृति पाराम्पारा ड़्युक्सेतुबुहे॥
 ड़्खिड़्बेलाकमाड़् एड़्गा चाबाक लाक, केइ लाक,
 हाकपारे लाकका चा सुरु लेकसाहाबु॥

खारला कनिड़् खिड़्बेलाकडा वेतिहा घाक
 याख्खाबाचि न्ना विस्वा युद्धा भाड़् ड़्डिक्ताकसुना
 मामुगाभाड़् लेकिसहाबु उकामाड़् सान्तानमाड़्
 सिड़ान्बु॥

३. सोकपागा ताप्लिक

-अजय याखखा

उहिलेहा चेया ओम॥ यारमिचिडा प्याक
साड्‌वापिक हिड्‌डुकसाचिबु॥ न्हाडा न्नागा वोरिपोरि
एको माडा पुड्‌दा चा वायाबु॥ न्ना पुड्‌दाबे एको
माडा सोकपा चा वायाबु॥ न्ना सोकपाडा गोठालाचिडा
था मेन्दोकले उड्‌चि साड्‌वापिकिच लेनलेन एको एको
चोकसाड्‌ चोतुबिचिबु॥ ड्‌खारला न्ना सोकपाडा
ड्‌खा यारमिचि तुकनुड्‌ तुखि पिचिबु॥

ड्‌खा यारमिचिडा चहेन सोकपा सिमा न्जोगु
ड्‌खारनिड्‌गो सिमा ड्‌यासुकसानिन॥ न्हाडा इलेन
उड्‌चि घाक न्छुप्साहोड्‌ सोकपा इमिन सिमाना भोड्‌
एको उपाया बानान्जोगुबु॥

मिहेकसाड्‌ एको यारमिडा न्ना सोकपा
लेमुहोड्‌ निभाक लाप्चभोड्‌ लुबु॥ होन्ना सोकपा चा

काकसाबु॥ ड्खिड्होड्चा साड्वापिक चाम्बिमा
न्लेप्तन्चन्बु॥ उठिक एकताना बेलाबेको ज्ञा
उनिभाक चा चानिमागा चोगुबु॥ ड्खोड्ह न्ना
यामिडा एको खालाना उपाया चोगुबु॥ ज्ञा
पुड्दाबे आड्बुगा उथाप इब्बे इब्बे वाइसाबु॥ न्ना
यामिडा आड्बुगा खोटो प्याक छुप्सुबु ड्खोड्ह
ओन्दाड्हा लोवा सोकपा उका गोठाबे काबु॥

सोकपा चा आनिभाकडा कायामाड्ना खेमा
तायाना मिताहोड्ह गोठाबे तायाबु॥ खोड्ह न्ना
यामिडा लुबु, “काम्निभाक हेन उचुन्ना लेन ओम
हाकु साल्लाहा चोकिच॥” न्ना सोकपा चा इमिन्हा
साल्लाहा लाए चोकिचबा कायाबु॥ ड्खोड्ह न्ना
यामिडा लुबु “का इमिन इमिन चोड्मेड्ह, न्दा चा
ड्खाला ड्खाला चोगा आउ॥” सोकपाडा चा लुबु
लेड्मना॥ ड्खोड्ह न्ना यामि इमिन चोगा
ड्खाला ड्खाला सोकपा चा चोकसाड्ह रुयाबु॥ न्ना

यारमिडा उका ओथोकबे आड्बुगा खोटो जाताताता
 नेकतुबु॥ सोकपाडा चा नेकतुबु॥ ड्खोड् यारमिडा
 चाकमोक नुड् छेड्गोरोकडा मि केहोड् उजिउबे
 एन्दुना लोरवा चोगाबु॥ न्हाड सोकपा चा पि बु,
 सोकपाडा चहेन जेप्पागा मि लोन्दुहोड् उजिउबे
 एन्दुबु॥ न्हाडा उका उमुड्बे खोटो ओन्दाड्
 नेकतुकसाहोड् ड्खा जुलुलु हान्मा तारोकतुबु॥ ड्खोड्
 आपात आयाहोड् खारला कायाबु, “हाकु आनिभाक
 इ चोकिच ?” ड्खोड् न्ना यारमिडा लुबु,
 “आनिभाक कोड्गु नुड् घाइरि लुकिच॥ न्दा घाइरि
 घाइरि लुकता का डाडा डाडा लुड्मेड्ना॥” न्हाड्
 हिप्पापाड् सुरितिति लुकतामाचि॥ मिहेकसाड् न्ना
 सोकपा मिडा तुन्दास्याबु॥ न्नाहाड्तोमाड् सोकपा
 यारमिनुड् आड्बुगा खोटो भाड् किसिरमा
 तारोकतुनाब॥

ड्खारला सोकपा मिडा तुन्दिसिहोड् न्ना बेरहा

घाक गोठालाचि, उड़चि साड़वा पिक्चिं चोन्ससाड़
उचुनुड़ वामा न्दारोक्तुनाबु॥

४. चाड़खे

-शान्तिला याक्खा

एको तेन्बे एको चाड़खे बाड़ना यारमि वाया॥
उड़ ओतोखुमाक साया॥ इलेनगा चेरया ओम न्ना
तेन्बेरना एको थुड़दुना यारमिडा उपाड़बे माडा पूजा
एम्मा मिताहोड़ बाहुन कासेभोड़ योन तेनबे रुया॥
न्हाडा भाका युकसाचुहोड़ पाड़बे लासा॥ हेकसाड़
पुजा एम्माना लेन न्ना बाहुन चा एको उकाम्निभाक
नुड़ लाम्बु लाचोगा॥

उड़चि आप्मास्याचिनिड़ तुकनुड़ साकडा

स्यामाचि॥ न्हाडा यो खे तोमो सोयामाचु, डःखिडःबेला
 उडःचिडा न्नाबेएको पाडः निसामाचु॥ न्हाडा लु हाकु
 साकडा सिहेकसाचि न्ना पाडःबे खेच्चिवहोडः
 चाम्योडःबा चोडःचाचु कायाचिहोडः न्ना पाडःबे
 रुयाचि॥ न्ना पाडः रुहेन चाडःखेगा साया॥ उडःचि
 न्ना पाडःबे तासाचुहोडः चाडःखे खारला लुयाचु,
 “आनुन्छा कान्चिडः चामा निम्बिमेकाहा?” ना
 चाडःखेडा लुकसुचि, “लेकसाबा निम्बिनेन्चन॥”
 न्हाडा डःखा हिप्पाडः बाहुनचि चोन्ससाडः
 वायामाचि॥

ना पाडःगा मोरोकडा एको होडःमा चा वाया,
 डःखाचि पालो पालो नुहाबाचोकसेभोडः रुयाचि॥
 ओन्दाडः एको रुयामा, न्हाडा न्हे वाखुबाडा रुहेन
 चाडःखे लुकसु, “ना यार्मिगो माडःना गाधा लेरलो
 इह्या चा काम न्जोग्वान, मानुडःगो चामा
 निम्फाकाहोडः चा लेकसाबि बा॥ इहा चा न्जोग्वान्हा,

माड़्ना बेककामे॥”

न्वाहाबाचोकसे खेखुबा एक छिनडा ताया, न्हाड़् हेकोनागा पालो रघ्या॥ न्ना नुहाबाचोड़्दाराखुबाडा चाड़्खे खारला लुकसु, “ना यारमिगो माड़्ना गोरु इहया चा काम निस्वान्हा, माड़्ना बादमास ओम॥”

न्हाड़् हेकोना चा नुहाबाचोगारायाहोड़् उड़्चि हिप्पापाड़् नाम हुन्चामा तारोकतामाचु, चाड़्खे रहेन पाड़् होड़्बे चामेड़्बा निसे ओकिखपिकिख साया॥

चाड़्खेडा चामा निझहोड़् ड़्खा हिप्पाड़् बाहुनचि चामा चासे काचि॥ न्हाड़् ड़्खा बाहुनचि तुकनुड़् साकडा स्यामासाचिहोड़् हानि हानि चोकसाड़् चोन्ससाड़् उड़्चि मुक वासियाचुचिहोड़् पाड़् होड़्बे चामा चासेभोड़् उयाचिहोड़् गुन्दिरिकपे युडाचि॥ ड़्खिड़्बेलाकडा चाड़्खेडा खिड़्खिडा माम्माहा आरिचिबे घाँस नुड़् खानिड़्ले आप्त्वाहोड़् पिकसुच्याहा॥ खा निसाचुहोड़् हिप्पाड़् बाहुनचि

माड़् माड़् माक्साब्याचि॥ न्हाडा उड़्चिडा छिम्दाचु ,
“खा इह्या ओम? खा ओम यि चामा?” न्हाडा
चाड़् खेडा लुकसुचि, “न्जड़्दा माड़् हारलो खेम
एकोडा गोरु, एकोडा गाधा कायाचिगा ड़्खोड़्ले
कागो गोरु घाँस, गाधा खानिड़् ठिक
चोड़्बि? नेन्चिनाहारलो॥ न्हाडा ड़्खा हिप्पाड़्
बाहुनचिगो चाड़् खेगा बुद्धि निसाचुहोड़् छाकका
पोराचोगाचि॥

५. स्याल नुड़् याकपुचागा ताप्लिक

-लाल माया याढखा

इमा एको पुड़्दाबे प्याक खाले जिब जान्तुचि
ड़्वायाबु॥ ड़्खा माध्येबे स्याल रहेन घाक हाकिनड़्
चेन्दुना चोम्बु न्हाडा काडान काखुबा सायाबु॥ ड़्खा
चेर्या याकपुचाडा चा खेप्सुक्साबु॥ न्हाडा इलेन
याकपुचा नुड़् स्याल ड़्खारलामाड़् पुड़्दाबे
तुबामाचि, न्हाडा स्यालडा याकपुचा चामागा

चोगुक्सु, डंखिङ्बेला याकपुचाडा खारला लुक्सु,
 न्दा घाक हाकिनड़ चेन्दुड़ाना कामेकानाबुरलो?
 स्यालडा कायामा, आ बुद्धिबेको का इसाडा चा
 डंहेन्चामेन्हा॥ डंखोड़ याकपुचाडा लुक्सु, “डंखारला
 भोड़ का चामा यामेड़गाना हारलो?” स्यालडा
 लुक्सु, “का इमिनाहा इमिनाहाचिगो यान्दुक्सुडंचिड़
 न्दा चामा डंयामेनेन्नाइ?” न्हाडा याकपुचाडा लुक्सु,
 “डंखारला भोड़ का एको स्वारथा युकस्वाड़ न्हाडा
 का चायाड़ आउ?” स्यालडा लेड़मेरना कायामा॥
 न्हाड़ याकपुचाडा लुक्सु, “का एको मिन खाल्टो
 खोन्द्वाड़होड़ न्नाबे उमेड़, न्हाडा का हेरनिड़
 लोम्याड़ डंखिङ्बेलाक लाबाड़घोड़ चायाड़॥”

न्हाड़ याकपुचाडा चहेन खाल्टो खोन्दुक्सुहोड़
 उयाख्यामा॥ स्यालडा चहेन इबेलाक लोम्मेरहोड़
 एकाइ छाक चोगवाड़नाभोड़ सुकतुनेसुकसा॥
 डंखिङ्बेला थापथुम्बे याकपुचा उतिड़ आम्साड़ भुरुरु

चोकसाड् लोन्दाक्यामा॥ भुरुरुचोगाक्यानिड्
 आप्सुभोक्सुहा घाक धुलो स्यालगा उमिक्पे भोरि
 उयामाहोड् स्यालडा उमिक नुक्मा तारोक्तुक्सुचि
 याक्पुचा च्छेन न्ना माउका सुक्तुक्सुहोड् सुइ
 लुक्ताख्यामा॥ ड़्खारला एको काडान काखुबा स्याल
 याक्पुचाडा यान्दुनाबु॥

६. सात्ये जुक्पेरहा ताप्लिक

उइले सत्ते जुक्पे इमा माडा आनिकाल ताया॥
 न्ना आनिकालबे ड़्डायाहोड् घाक यार्मिचि
 न्सेबेमासामासा, ड़्खारनिड्‌गो न्नाबे एको पाड़्बेरहा
 यार्मिचि से ड़्हिडामासा॥ ड़्खाचिगा पाड़्बे चा
 चाम्योड़्बा मेन्दाब्यामासा मिर्याड् चासाक्से वाया॥
 ड़्खा मिर्याड़्हा चासाक्का हारवा निप्माहोड्
 मिमिक होड़्चा होम्माहोड् सिमा भोड् हारवा
 म्मोक्तुक्सामा॥

डंखिडंबेला एको नाडंचाखुबा यारमि
 तायामाहोडं खारला लुकसुचि, “का चा मिर्याडं पिया
 आउ?” न्ना पाडंबेरना माघ्याम न्लुकसु, “मिर्याडं
 चासाक डोन्दामासाहोडं हाकु खा चारनिमाहोडं
 घाक सिमा भोडं हारवा मोक्तुकसुम्डाहा, डंखा चा
 न्दा पिरमागान्धि? न्दा डंखोमेकान्ना॥ कानिडं गो
 इसाडा पिरनि, न्हे सिमाना बेलाक॥” न्ना
 नाडंचाखुबाडा लुकसुचि, “मिर्याडं होडंचा पियाएबा
 आहाडंबाचि॥” न्ना माघ्यामडा फेरि लुकसु,
 “डंखोमेकान्ना बाडंनिडंगो, न्हे खिडंहा
 पिछानाछाचि न्निस्वान्विगगान्हा?” डंखिडंबेलाक न्ना
 पाडं बेरना पाघ्यामडा चहेन उलुडंमा तुक्तुकसु
 न्हाडा लुकसुचि, “डंखा आभाक माडं पियानुम॥”
 न्हाडा न्ना माघ्यामडा थिन्साडं कवा चो लुसाडं
 सोसुबिकसु॥

हेकसाडं घाक न्स्याख्यामा, न्हाडा डंखाचिगा

आत्मागा निरिक्त चोकमाना बेला ताया॥ डःखिडःबेला
 उडःचि घाक छाकका पोरान्जोगा॥ इजाडःबाडःनिडः
 ओन्दाडः उडःचि पाडःबे नाडःचाखुबा यारमिले न्ना
 निरिक्त चोकमाना ठोडःबेको युडःमासा॥ उडःना न्ना
 पाईयाम चहेन तो वालोकपे पाकसाहाकसुकसु न्हाडः
 उका उहिडःखुमा नुडः उच्याचि चहेन मो नाराकबे
 पाकसुकसुचि॥ डःखिडः बेला पाईयामडः खारला
 छिम्दु, “उडःचि चहेन इजाडः मो पाकसुचिधा॥” न्ना
 यारमिडः लुकसु खाचिगा ब्याबाहारडः उडःचि मो
 खेप्मा पोराचोगाहा ओम॥

डःखारला तुखिसुम्बा लुडःमा तुकखुबा, सोखुबा यारमि
 वालोक खेरमा तोकतु डःखारनिडःगो यारमिचि
 पिरमाना निडःवा मेवाखुबाचि, आफाइगासे फोक
 सोखुबाचि चहेन नाराकपे खेरमा पोराचोगा॥

